

**ҚОЙМА ИЕСІНІҢ АЗАМАТТЫҚ-ҚҰҚЫҚТЫҚ ЖАУАПКЕРШІЛІГІН ЕРІКТІ
САҚТАНДЫРУ ЕРЕЖЕЛЕРІ**

Алматы 2023



Мазмұны

1-бап. Жалпы ережелер	2
2-бап. Сақтанушы. Сақтандырылған тұлға. Пайда алушы	3
3-бап. Сақтандыру объектісі	3
4-бап. Сақтандыру жағдайларының тізбесі	3
5-бап. Сақтандырушыны сақтандыру төлемін жүзеге асырудан босату негіздері	4
6-бап. Сақтандыру сомасын айқындау тәртібі	9
7-бап. Сақтандыру сыйлықақысы	10
8-бап. Франшиза	10
9-бап. Сақтандыру шартын жасасу тәртібі	10
10-бап. Сақтандыру шартының қолданылу мерзімі және орны	11
11-бап. Тараптардың құқықтары мен міндеттері	11
12-бап. Сақтандыру шарты қолданылу кезеңінде сақтандыру тәуекелінің ұлғаюының салдары	14
13-бап. Сақтандыру жағдайы туындаған кезде Сақтанушының әрекеттері	15
14-бап. Сақтандыру төлемін жүзеге асыру тәртібі мен мерзімдері	16
15-бап. Сақтанушының залалды өтеу жөніндегі құқықтарының Сақтандырушыға ауысуы (суброгация)	18
16-бап. Шарттың қолданылу мерзімі және оны тоқтату шарттары	18
17-бап. Қосымша шарттар	19
18-бап. Дауларды шешу тәртібі	21

1-бап. Жалпы ережелер

1. Осы Қойма иесінің азаматтық-құқықтық жауапкершілігін ерікті сақтандыру ережелерінің (бұдан әрі – Ережелер/Сақтандыру ережелері) талаптарына сәйкес «Еуразия» сақтандыру компаниясы» АҚ, бұдан әрі Сақтандырушы деп аталады, Сақтанушыны Сақтандыру ережелеріне қосу және Сақтандырушының Сақтанушыға сақтандыру полисін беруі арқылы заңды және жеке тұлғалармен (бұдан әрі - Сақтанушы) сақтандыру шарттарын (бұдан әрі мәтін бойынша – Шарт/Сақтандыру шарты) жасасады.
2. Қойма иесінің азаматтық-құқықтық жауапкершілігін сақтандыру шарты бойынша Сақтандырушы сақтандыру шартында көзделген сақтандыру сыйлықақысы үшін, сақтандыру шартында көзделген сақтандыру жағдайы туындаған кезде, Сақтанушыға немесе сақтандыру шарты оның пайдасына жасалған өзге тұлғаға (Пайда алушыға) сақтандыру шартында белгіленген сақтандыру сомасы шегінде сақтандыру төлемін жүзеге асыруға міндеттенеді.
3. Сақтандыру шартының Тараптары сақтандыру шартын жасасу сәтінде өздеріне тиесілі құқық қабілеттілігі шектелмегенін, лицензияланатын қызметті жүзеге асыруға арналған лицензияларының қолданылуы тоқтатылмағанын, кері қайтарылмағанын және оларды кері қайтарып алу немесе тоқтата тұру қатерінің жоқ екенін мәлімдейді және кепілдік береді;
4. Сақтандырушы Шарт жасалған күнге қарай қайта ұйымдастыру (кез келген нысанда), меншікті және жарғылық капиталды азайту, тарату сатысында немесе Сақтандыру шартында белгіленген оның міндеттемелеріне әсер етуге қабілетті құқықтық мәртебесін өзгертудің өзге нысанында тұрмағанын мәлімдейді және кепілдік береді;
5. Сақтандырушы Қазақстан Республикасындағы сақтандыру қызметін реттейтін қолданыстағы заңнамада белгіленген барлық талаптарға сәйкес келетінін мәлімдейді және кепілдік береді;
6. Сақтандырушы қолданыстағы заңнамада және қаржы нарығын және қаржы ұйымдарын реттеу мен қадағалау жөніндегі уәкілетті мемлекеттік органда сақтандыру ұйымдарына белгіленетін барлық пруденциялық нормативтерге (қаржылық тұрақтылық) сәйкес келетінін мәлімдейді және кепілдік береді;
7. Сақтандырушы Сақтандыру шартына қол қою сәтінде өзіне белгілі немесе өзі білуге тиіс, Сақтандыру шарты бойынша өз міндеттемелерін орындауға теріс әсер етуі мүмкін мән-жайлардың жоқ екенін мәлімдейді және кепілдік береді;



8. Сақтандырушы Сақтандыру шартына қол қою туралы шешім Сақтандырушының уәкілетті органы (атқарушы орган немесе басқару органы) тарапынан Қазақстан Республикасының қолданыстағы заңнамасында, Жарғысында және Сақтандырушының сақтандыру ұйымдарына, акционерлік қоғамдарға қойылатын ішкі ережелерінде белгіленген талаптарды сақтай отырып қабылданғанын және мақұлданғанын мәлімдейді және кепілдік береді;
9. Сақтандырушы Сақтандыру шартының өзі үшін «Акционерлік қоғамдар туралы» ҚР Заңымен айқындалатын ірі мәміле болып табылмайтынын мәлімдейді және кепілдік береді;
10. Сақтанушы сақтандыру шарты жасалған сәтте сақтандыру жағдайының туындауына әкеп соғуы мүмкін оқиғалардың орын алмайтынына кепілдік береді.
11. Сақтанушы Сақтандыру шартында көзделген құқықтар мен міндеттерді жүзеге асыру үшін өкілеттіктерінің бар екеніне кепілдік береді.
12. Сақтандыру шартына сәйкес мүлік деген сөзбен Сақтанушы қоймада сақтауға қабылдаған үшінші тұлғалардың тауары түсініледі.

2-бап. Сақтанушы. Сақтандырылған тұлға. Пайда алушы

1. Сақтанушы – мүліктің сақталуына мүдделі заңды тұлға немесе әрекетке қабілетті жеке тұлға (меншік иесі, жалға алушы, жалға беруші, лизинг беруші, лизинг алушы және т.б.), және Сақтандырушымен сақтандыру шартын жасасқан тұлға.
2. Сақтанушы заңды тұлға қайта ұйымдастырылған жағдайда, сақтандыру шартының қолданылу кезеңінде осы шарт бойынша оның құқықтары мен міндеттері Қазақстан Республикасының заңнамасында белгіленген тәртіппен Сақтандырушының келісімімен тиісті құқық мирасқорына өтеді.
3. Сақтанушы жеке тұлға қайтыс болған жағдайда, сақтандыру шартының қолданылу кезеңінде осы шарт бойынша оның құқықтары мен міндеттері Қазақстан Республикасының заңнамасында белгіленген тәртіппен Сақтандырушының келісімімен мұрагерлеріне өтеді.
4. Егер сақтандыру шартында өзгеше көзделмесе, Сақтанушы бір мезгілде Сақтандырылған тұлға болып табылады.
5. Сақтанушы сақтандыру шартында үшінші тұлғаны Сақтандырылған тұлға ретінде айқындауға құқылы.
6. Сақтандыру шартының Сақтандырылған тұлғаның пайдасына жасалуы Сақтанушыны сақтандыру шарты бойынша міндеттерін орындаудан босатпайды.
7. Сақтандыру шарты бойынша Пайда алушы – Сақтанушының қоймасында сақтауда тұрған тауардың (мүліктің) меншік иесі болып табылатын үшінші тұлға (Жәбірленуші).

3-бап. Сақтандыру объектісі

1. Сақтандыру объектісі болып Қазақстан Республикасының қолданыстағы заңнамасына қайшы келмейтін, Сақтанушының оның қоймасында сақтауға қабылданған үшінші тұлғалардың мүлкіне (тауарына) келтірілген зиянды өтеу міндетіне байланысты мүліктік мүдделері табылады.

4-бап. Сақтандыру жағдайларының тізбесі

1. Сақтандыру шарты бойынша сақтандыру жағдайы болып Сақтанушының оның қоймасында сақтауда тұрған тауарлардың меншік иелері алдында азаматтық-құқықтық жауапкершілігінің (бұдан әрі мәтін бойынша «АҚЖ») туындау фактісі танылады, егер ол тауардың зақымдануы немесе жойылуы нәтижесінде келесі жағдайлардан туындаса:
 - 1) найзағай соғу салдарынан туындаған өрт;
 - 2) бұзып кіру арқылы жасалған ұрлық;
 - 3) су тасқыны кезінде судың басуынан.АҚЖ фактісі – сақтандыру шартының қолданылу мерзімі ішінде жалпы юрисдикция сотының шешімінің заңды күшіне енуі болып табылады.
2. Сақтандыру шартында көрсетілмеген оқиғалар сақтандыру жағдайы болып табылмайды және Сақтандырушы олар бойынша сақтандыру төлемін жүзеге асырмайды.
3. Сақтандыру ережелеріне сәйкес:



- 1) Өрескел абайсыздық деп Сақтанушының лауазымдық нұсқаулықтардың, қағидалардың және шаруашылық қызметті жүзеге асыру тәртібі мен шарттарын айқындайтын өзге де нормативтік актілердің талаптарын бұзуы, сондай-ақ қызметкердің расталған кәсіби білімі мен тәжірибесі болмаған жағдайда жүзеге асырылған қызметі түсініледі;
- 2) Үшінші тұлғалардың талабы деп Сақтанушыға тікелей жолданған жазбаша талап (соның ішінде талап қоюлар), сондай-ақ зиянның мөлшері мен себептерін дәлелдейтін және сақтандыру шартымен белгіленген сақтандыру аумағында қолданылатын заңнама нормаларына негізделген сотқа талап арыздар түсініледі;
- 3) Зиянды өтеу туралы талап қою мүмкіндігін растайтын мән-жайлар деп Сақтандырушыға ұсынылған зиян келтіру фактісін, оның сипаты мен мөлшерін растайтын жазбаша дәлелдемелер (анықтамалар, актілер, уәкілетті органдардың қорытындылары және т.б.) түсініледі.
4. Шарт бойынша үшінші тұлғалардың мүлкіне (тауарына) келтірілген зиян Сақтанушы Сақтандыру ережелерінің 14-бабында көрсетілген құжаттарды ұсынған жағдайда ғана сақтандыру жағдайы ретінде танылады.
5. Сақтандыру шартына сәйкес тек нақты зиян, яғни мүліктің зақымдану құны ғана өтеледі, ал Сақтанушы үшін нақты зиян болып табылатын өзге шығындар мен залалдар өтелмейді.
6. Тараптар сақтандыру шартына сәйкес бір оқиға және/немесе бір себеп (өрт, ұрлық немесе су басу) нәтижесінде бірнеше тұлғаға зиян келтірілген жағдайда, бұл бір сақтандыру жағдайы болып есептелетінін және сақтандыру жағдайларының саны жәбірленушілер санына тең болмайтынын (яғни бір өрт – бір сақтандыру жағдайы, бір ұрлық – бір сақтандыру жағдайы, бір су басу – бір сақтандыру жағдайы, жәбірленушілер санына қарамастан) түсінеді және келіседі.

5-бап. Сақтандырушыны сақтандыру төлемін жүзеге асырудан босату негіздері

1. Осы сақтандырумен Сақтанушының АҚЖ-ның келесі түрлері қамтылмайды:
 - 1) міндетті сақтандыру шарттары бойынша қамтылатын (немесе қамтылуы мүмкін болған) жауапкершілік
 - 2) азаматтық-құқықтық мәмілелердің, азаматтық-құқықтық шарттардың кез келген түрінен туындайтын міндеттемелер бойынша жауапкершілік, оның ішінде, бірақ онымен шектелмей, шарт талаптарын бұзғаны, міндеттемелерді тиісінше орындамағаны не орындамағаны, шарттан бас тартқаны және т.б. үшін жауапкершілік;
 - 3) азаматтық-құқықтық мәмілелердің, азаматтық-құқықтық шарттардың кез келген түрінен туындайтын міндеттемелер бойынша, оның ішінде, бірақ онымен шектелмей, қарыз, тапсырма, кепілдік, кепіл болушылық, кепіл, банктік қарыз шарттары бойынша міндеттемелер
 - 4) өртті сөндіру кезінде тауардың сулануы нәтижесінде туындаған жауапкершілік;
 - 5) тауардың шаңның, түтіннің, күйенің, ыс иісінің әсерінен зақымдануы немесе жойылуы нәтижесінде туындаған жауапкершілік;
 - 6) нысанасы қаржы құралдары және/немесе вексельдер болып табылатын азаматтық-құқықтық мәмілелердің, азаматтық-құқықтық шарттардың кез келген түрінен туындайтын міндеттемелер бойынша
 - 7) бағалы қағаздар нарығы, банк қызметі туралы заңнамамен реттелетін азаматтық-құқықтық мәмілелердің, азаматтық-құқықтық шарттардың кез келген түрінен туындайтын міндеттемелер бойынша;
 - 8) біржақты мәмілелерден туындайтын міндеттемелер бойынша жауапкершілік;
 - 9) Сақтанушы заңды тұлға ретінде және оның құрылтайшылары / қатысушылары / акционерлері / мүлкінің меншік иелері, жай серіктестік және / немесе консорциум қатысушылары, үлестес тұлғалар, Сақтанушы қатысушысы/құрылтайшысы/акционері/мүлік меншік иесі, жай серіктестік және/немесе консорциум қатысушысы болып табылатын заңды тұлғалар арасындағы қатынастардан туындайтын жауапкершілік (оның ішінде субсидиарлық), оның ішінде, бірақ онымен шектелмей, заңды тұлғалардың құқық қабілеттілігі, заңды тұлғаларды құру, заңды



- тұлғаларды басқару, дивидендтер төлеу, заңды тұлғаларды басқару органдарының шешімдер қабылдауы, заңды тұлғалардың табыстарын бөлу, мүлікке құқықтар, заңды тұлғаларды қайта ұйымдастыру, заңды тұлғалардың қызметін тоқтату, заңды тұлғалардың құқық мирасқорлығы, заңды тұлғалардың банкроттығы, жай серіктестіктің/консорциумның қызметін тоқтату қатынастары;
- 10) Заңды тұлғаның құрылтайшысының (қатысушысының), акционерінің немесе оның мүлкінің меншік иесінің міндеттемелері бойынша жауапкершілігі (оның ішінде субсидиарлық);
 - 11) Сақтанушы заңды тұлға ретінде және оның басқару органдары арасындағы қатынастардан туындайтын жауапкершілік (оның ішінде субсидиарлық);
 - 12) Сақтанушының үшінші тұлғалар алдында өзінің құрылтай құжаттарында белгіленген өкілеттіктерінен асыра отырып қабылданған міндеттемелер бойынша көтеретін жауапкершілігі (оның ішінде субсидиарлық);
 - 13) Сақтанушының үшінші тұлғалар алдында қолданыстағы заңнама талаптарын бұза отырып қабылданған міндеттемелер бойынша көтеретін жауапкершілігі (оның ішінде субсидиарлық);
 - 14) Сақтанушының үшінші тұлғалар алдында заңды тұлғаны тарату кезінде кредиторлардың талаптарын қанағаттандыруға байланысты міндеттемелер бойынша, оның ішінде банкроттық нәтижесіндегі тарату кезінде көтеретін жауапкершілігі (оның ішінде субсидиарлық);
 - 15) Сақтанушының кінәсінен оның еншілес ұйымы банкротқа ұшыраған жағдайда Сақтанушының жауапкершілігі (оның ішінде субсидиарлық);
 - 16) Сақтанушының толық серіктестік қатысушысы ретіндегі серіктестіктің борыштары бойынша жауапкершілігі;
 - 17) Сақтанушының қосымша жауапкершілігі бар серіктестікке қатысушы ретіндегі серіктестік міндеттемелері бойынша жауапкершілігі;
 - 18) Сақтанушының кооператив мүшесі ретіндегі кооператив міндеттемелері бойынша жауапкершілігі;
 - 19) Сақтанушының құрылтайшы ретіндегі мекеме міндеттемелері бойынша жауапкершілігі;
 - 20) негізсіз баю салдарынан туындайтын Сақтанушының жауапкершілігі;
 - 21) тапсырмасыз бөтен мүдде үшін жасалған әрекеттер нәтижесінде туындайтын Сақтанушының жауапкершілігі;
 - 22) Сақтанушының кез келген регрестік талаптар, регресс тәртібімен қойылатын талаптар бойынша жауапкершілігі
 - 23) Сақтанушының үшінші тұлғаларға берілген міндеттемелер бойынша жауапкершілігі
 - 24) Сақтанушының үшінші тұлғалардан қабылданған міндеттемелер бойынша жауапкершілігі
 - 25) Сақтанушының медиация процесінде, бітімгершілік келісім жасасу, үшінші тұлғалардың талаптарын ерікті түрде қанағаттандыру процесінде қабылданған міндеттемелер бойынша жауапкершілігі;
 - 26) қауіпті немесе уытты, не биохимиялық уыттармен иеленуге, пайдалануға байланысты жауапкершілік;
 - 27) шаңның немесе өзге де ластаушы заттардың таралуы, шығарылуы, ағызылуы, бөлінуі, сыртқа шығуы үшін жауапкершілік, бұл бір мезгілде немесе кенеттен болуына қарамастан;
 - 28) үй-жайларды жөндеуден, реконструкциялаудан, салудан, көшіруден, жөндеу жұмыстарынан туындайтын кез келген жауапкершілік.
- 2. Мүліктік залал бойынша АҚЖ ерекшеліктері:**
Осы сақтандырумен Сақтанушының мынаған байланысты / соның салдарынан туындаған / мынаған қатысты туындаған АҚЖ қамтылмайды:
1. автокөлік құралдарын пайдалану арқылы келтірілген залал;
 2. тасымалдаушы ретінде әрекет ететін Сақтанушының көлік құралдарын пайдалануы;
 3. тауарды қойма аумағында да, одан тыс жерлерде де тиеу, түсіру, тасымалдау, жылжыту кезінде келтірілген залал;
 4. айналадағылар үшін қауіпті қызметті жүзеге асыру (жоғары қауіптілік көздері);
 5. жарылғыш, улы тауарларды, заттарды сақтау, егер зақымдану немесе залал осындай заттардың әсерінен туындаса;



6. залал туындаған оқиғаның себебін анықтау мүмкін болмайтын жағдайлар;
7. қоршаған ортаның ластанғаны үшін жауапкершілік, сондай-ақ оның салдарын жою шығыстары;
8. Сақтанушының өз қызметкерлеріне, сондай-ақ мердігерлердің, қосалқы мердігерлердің қызметкерлеріне келтірілген залалға байланысты кез келген жауапкершілік;
9. қауіпті немесе уытты, не биохимиялық уыттарды иеленуге, пайдалануға байланысты жауапкершілік;
10. шаңның немесе өзге де ластаушы заттардың таралуы, шығарылуы, ағызылуы, бөлінуі үшін жауапкершілік, бұл бір мезгілде немесе кенеттен болғанына қарамастан;
11. мемлекеттік мүлікке келтірілген зиян;
12. әуе, ғарыш, теңіз, өзен кемелеріне, мұнай мұнаралары мен платформаларына, жасанды аралдарға және олардағы құрылыстарға, оның ішінде аталған мүліктің қосалқы бөлшектеріне, компоненттері мен құрамдас бөліктеріне, сондай-ақ өзге де осындай мүлікке келтірілген зиян;
13. Сақтанушының/Сақтандырылған тұлғаның тұрақсыздық айыбын, санкцияларды, айыппұлдарды, моральдық зиянды, іскерлік беделге келтірілген зиянды, сот шығындарын өтеу міндетіне байланысты;
14. кез келген мүліктік емес зиянды/залалды өтеу міндетіне байланысты;
15. бүлінген мүліктің тауарлық құнын жоғалтуды өтеу міндетіне байланысты;
16. тағамдық және/немесе химиялық және/немесе уытты улануға байланысты;
17. термиялық күйіктерге байланысты;
18. сатуға тұрған мүлікке (оның ішінде сату орындарында) келтірілген зиянды өтеуге байланысты;
19. транзиттегі жүктерге, тауарларға келтірілген залалды өтеуге байланысты;
20. айналымдағы тауарларға келтірілген залалды өтеуге байланысты;
21. бұқаралық іс-шараларды өткізуге байланысты келтірілген залалды өтеу міндетіне байланысты, оларды Сақтанушы/Сақтандырылған тұлға немесе өзге тұлғалар ұйымдастырғанына қарамастан, сондай-ақ мұндай іс-шараға қатысушылар және іс-шара маңында немесе өткізілген жерде орналасқан мүлік зардап шеккен жағдайда да;
22. қауіпті әуестік түрлерімен және/немесе кәсіптермен және/немесе спортпен байланысты қызмет, оның ішінде, бірақ онымен шектелмей: парашютпен секіру, су астында жүзу, әуе спорты, авторалли, жартасқа өрмелеу, шаңғы спорты, рафтинг, альпинизм, серфинг, скейтбординг, коньки тебу, дельта-, парапланеризм, автокөлік және мото жарыстар, ат спорты, футбол, хоккей, регби, күштік спорт түрлері (ауыр атлетика), күрестің барлық түрлері, спелеотуризм, родео, ролик тақталарындағы жарыс, вело-, мотоспорт және т.б.;
23. пайданы жоғалтуды өтеу міндетіне байланысты;
24. өндірістегі (қызмет көрсетудегі) үзіліс құнын, өндіріс құнының ұлғаюын, жіберіп алған пайданы өтеу міндетіне байланысты;
25. бүлінген мүлікті жөндеу, реконструкциялау, салу, жобалау, үй-жайларды көшіру құнын өтеу міндетіне байланысты;
26. жобалардағы, жобалаудағы, кез келген техникалық құжаттаманың спецификацияларындағы қателерге байланысты;
27. Сақтанушының/Сақтандырылған тұлғаның Қазақстан Республикасында белгіленген өрт қауіпсіздігі талаптарын, сондай-ақ өзге де қауіпсіздік талаптарын бұзуына байланысты;
28. Сақтанушының/Сақтандырылған тұлғаның кез келген жарғылық және кәсіби қызметін жүзеге асыру нәтижесіндегі қателіктер мен олқылықтарға байланысты;
29. Сақтанушының/Сақтандырылған тұлғаның өндіретін, шығаратын, көрсететін, орындайтын өнімінің және/немесе қызметтерінің/жұмыстарының сапасына байланысты;
30. Сақтанушының/Сақтандырылған тұлғаның өткізетін, консигнацияға алатын, сататын өнімінің және/немесе қызметтерінің/жұмыстарының сапасына байланысты;
31. Сақтанушының / Сақтандырылған тұлғаның / Пайда алушының (оның қызметкерлерінің / отбасы мүшелерінің, жалданған, тартылған тұлғалардың, жұмыстарға, қызметтерге, сатуға, тасымалдауға, тиеуге, түсіруге жіберілген тұлғалардың және басқа да тұлғалардың) алкогольдік, есірткілік, уытқұмарлық масаң күйде болған және/немесе ағзаның



- психомоторлық функцияларына әсер ететін дәрілік препараттарды қолданған кездегі әрекеттері/әрекетсіздігіне байланысты;
32. қосалқы мердігерлердің/мердігерлердің, құрылысшылардың, серіктестердің/контрагенттердің, қызметкерлердің, Сақтанушының сенім білдірілген өкілдерінің әрекеттеріне/әрекетсіздігіне байланысты;
 33. террористік актілерге және үшінші тұлғалардың саяси себептермен жасаған құқыққа қарсы әрекеттеріне байланысты;
 34. Сақтанушының/Сақтандырылған тұлғаның көзқарасы тұрғысынан күтілетін немесе болжанатын зиян келтіруге байланысты талаптарға байланысты;
 35. Сақтанушыға/Сақтандырылған тұлғаға ақыға уақытша иеленуге және пайдалануға (жалға алу, лизинг, прокат және т.б.), өтеусіз пайдалануға, сенімгерлік басқаруға не кепілге берілген мүліктің бүлінуіне, жойылуына, нашарлауына, жойылып кетуіне немесе бүлінуіне байланысты;
 36. зияткерлік меншік объектілеріне авторлық құқықтардың және өзге де айрықша құқықтардың бұзылуына байланысты;
 37. дірілдің әсерінен, топырақтың шөгуінен немесе сырғуынан, сондай-ақ тіректердің ығысуы, алынуы немесе әлсіреуі нәтижесінде;
 38. магистральдық коммуникацияларға: кабельдерге, арналарға, су құбырларына, газ құбырларына және басқа да желілерге келтірілген залалға байланысты;
 39. тұрақты, жүйелі немесе ұзақ мерзімді жылулық әсердің немесе газдардың, булардың, сәулелердің, сұйықтықтардың, ылғалдың немесе атмосферадағы кез келген, оның ішінде қалқыма бөлшектердің (күйе, ыс, түтін, шаң және т.б.) әсерінен, жоғарыда аталған әсерлер кенеттен және күтпеген болған және зиян олардың сөзсіз салдары екені дәлелденген жағдайларды қоспағанда;
 40. атыс қаруын, газды, суық, пневматикалық немесе лақтырылатын қаруды пайдалануға байланысты;
 41. сақтандыру шартының қолданылу мерзімі басталғанға дейін болған және оның қолданылу мерзімі ішінде жалғасқан себептерге байланысты;
 42. сақтандыру шартының қолданылу мерзімі басталғанға дейін болған, бірақ тоқтатылған, алайда олардың әсері сақтандыру шартының қолданылу мерзімі ішінде сақтандыру жағдайына әкелген себептерге байланысты;
 43. осы уақыт кезеңіне және осы орынға тән әдеттегі ауа райы және табиғи жағдайлардың/құбылыстардың әсеріне байланысты;
 44. жәбірленуші үшінші тұлғалардың ақша қаражаттары, бағалы қағаздар, алтын, асыл немесе түсті металдардан жасалған бұйымдар, асыл заттар, әшекейлер, өнер туындылары немесе өзге де құндылықтар, оның ішінде антикварлық немесе тарихи не өзге де әлеуметтік құндылығы бар мүлік түріндегі мүлкіне қатысты;
 45. заңгерлік, бухгалтерлік, аудиторлық, консультациялық, аударма қызметтерін көрсетуге байланысты;
 46. медициналық, сәулетшілік, жобалау қызметіне байланысты;
 47. компьютерлік бағдарламалар, сайттар, микросхемалар жасау, ақпаратты электрондық түрде сақтау қызметіне байланысты;
 48. конструкциялардың, механизмдердің, агрегаттардың оларды пайдалануға беру/қабылдау немесе тапсырыс берушіге беру алдында, не құрастыру, құрылыс, монтаждау, орнату аяқталғанға дейін бұзылуына немесе бүлінуіне байланысты;
 49. Сақтанушыға/Сақтандырылған тұлғаға байланысты тұлғалардың (қызметкерлер, серіктестер, жалдамалы қызметкерлер, өзге шарттар бойынша жұмыс істейтін тұлғалар немесе сақтандыру оқиғасы болған жерде себептеріне қарамастан болған тұлғалар) жеке мүлкінің бүлінуіне байланысты;
 50. Сақтандырушының келісімі бойынша таңдалған тәуелсіз сараптамалық ұйым растаған анықталмаған себепке байланысты;
 51. шарттарға, келісімдерге өзгерістер енгізуге, шарттардың, келісімдердің тараптарын өзгертуге, олардың құнын өзгертуге, бастапқыда көзделген жұмыстардың, қызметтердің



- көлемін немесе шарттарда, келісімдерде және оларға қосымшаларда көрсетілген тауарлардың, мүліктің саны, атауы мен сипатын өзгертуге байланысты;
52. құжаттарды, жобаларды келіспеу, толық емес немесе тиісінше келіспеу жағдайларына байланысты;
 53. уәкілетті органдар мен ұйымдардың қажетті рұқсаттарының болмауына байланысты;
 54. бірегей құрылыстарды салу, реконструкциялау үшін қажетті және өндірушіде стандартты емес жобалар бойынша жеке дайындалатын мүліктің бүлінуіне байланысты;
 55. пайдалануға қажетті сертификаттары мен рұқсаттары жоқ материалдарды, жабдықтарды, мүкәммалды пайдалануға байланысты;
 56. технологиялық процестердің бұзылуына байланысты;
 57. орындалатын жұмысқа қатысты кәсіби дағдыларын растайтын қажетті құжаттары жоқ тұлғаларды жұмыстарға немесе қызмет көрсетуге жіберуге байланысты;
 58. сақтау, орнату, тасымалдау, тиеу, пайдалану кезінде ерекше ұқыптылықты талап ететін сынғыш материалдардың бүлінуіне немесе жойылуына байланысты;
 59. мемлекеттердің, үкіметтердің және мемлекеттік бірлестіктердің шешімімен (тікелей немесе жанама) енгізілген санкциялар мен шектеулерге байланысты;
 60. кедендік және салықтық алымдарды, баждарды және т.б. өндіріп алу туралы талаптар/шағымдарға байланысты;
 61. сақтандырылған тұлғаның және/немесе Пайда алушының пайдалануында болған, бірақ меншік құқығында оларға тиесілі емес мүлікке байланысты;
 62. уақытша ғимараттар мен құрылыстарға, қоймалық, қосалқы үй-жайларға, құрылыс ормандарына, инженерлік коммуникацияларға байланысты;
 63. аумақты мүліктің сынықтарынан (қалдықтарынан) тазарту шығындарын өтеуге байланысты;
 64. сақтандыру оқиғасына байланысты адамдарды, жабдықтарды, жүкті тасымалдау шығындарын өтеуге байланысты;
 65. қаза тапқандардың немесе жараланғандардың денелерін тұрақты тұратын жеріне, сондай-ақ кез келген басқа бағытқа репатриациялау шығындарын өтеуге байланысты; сақтандыру оқиғасын жою немесе оның салдарын жою процесінде не соның салдарынан;
 66. құрамында асбест бар заттардың, асбест талшығының, сондай-ақ радиоактивті изотоптардың әсерінен туындаған залалдар.
- 3. Сақтандырушыға сақтандыру төлемін олар аяқталғанға дейін жүзеге асырмауға құқық беретін мән-жайлар:**
- 1) сақтандыру оқиғасына қатысты қылмыстық және/немесе әкімшілік тергеу жүргізілуі;
 - 2) кінәлі тұлғаларды анықтау рәсімі және оларға қатысты тиісті процестік шешім шығару;
 - 3) сақтандырылған тұлға, Сақтанушы, Пайда алушы мен Сақтандырушы арасында да, сондай-ақ сақтандыру оқиғасына байланысты оқиғалар мен мән-жайлар бойынша кез келген өзге тұлғалар арасында аяқталмаған сот талқылауларының болуы.
- 4. Сақтандырушы мынадайды қамтымайды және Шарт бойынша сақтандыру төлемін жүзеге асырудан бас тартуға мынадай жағдайлар да негіз болуы мүмкін:**
- 1) сақтандыру жағдайының Шарт күшіне енбеген кезеңде басталуы;
 - 2) Сақтанушының/Сақтандырылған тұлғаның қызметкерлеріне зиян келтіру нәтижесінде туындаған залалдар;
 - 3) міндетті сақтандыру түрлерімен қамтылатын залалдар;
 - 4) Сақтанушының/Сақтандырылған тұлғаның банкроттығынан туындаған залалдар;
 - 5) сақтандыру жағдайының басталғаны туралы Сақтандырушыны хабардар етпеу немесе уақтылы хабардар етпеу;
 - 6) Сақтандыру ережелерінің 14-бабында көрсетілген сақтандыру жағдайының басталу фактісі мен себептерін растайтын барлық қажетті құжаттарды ұсынбау (немесе толық көлемде ұсынбау);
 - 7) зиян келтіруге кінәлі тұлға Пайда алушы болып табылуы;
 - 8) Сақтанушының/Сақтандырылған тұлғаның қызметті жүзеге асыруға арналған лицензиясының/рұқсатының қолданылуы тоқтатылған, кері қайтарылған немесе тоқтатылған кезеңде сақтандыру жағдайының басталуы;



- 9) сақтандыру жағдайы туралы уәкілетті органдардың қорытындысының болмауы;
 - 10) Сақтанушының сақтандыру сыйлықақысын немесе оның кезекті бөлігін Шартта белгіленген мерзімдерде төлемеуі;
 - 11) Сақтанушының/Сақтандырылған тұлғаның Сақтандыру шарты бойынша өз міндеттерін орындамауы;
 - 12) Сақтанушының/Сақтандырылған тұлғаның/Пайда алушының сақтандыру жағдайының басталуына жауапты тұлғаға қатысты өз талап ету құқығынан бас тартуы, сондай-ақ Сақтандырушыға талап ету құқығының ауысуы үшін қажетті құжаттарды беруден бас тартуы;
 - 13) Сақтанушының/Пайда алушының/Сақтандырылған тұлғаның әрекеттері (әрекетсіздігі), соның нәтижесінде Сақтандырушының сақтандыру жағдайының басталуына жауапты тұлғаға қатысты талап ету құқығын жүзеге асыруы мүмкін болмай қалған;
 - 14) Сақтанушының/Сақтандырылған тұлғаның/Пайда алушының және (немесе) бенефициарлық меншік иесінің Қазақстан Республикасы Қаржылық мониторинг агенттігінің ресми сайтында жарияланған терроризмді және экстремизмді қаржыландырумен байланысты ұйымдар мен тұлғалар тізбесінде, сондай-ақ жаппай қырып-жою қаруын таратуды қаржыландырумен байланысты тұлғалар тізбесінде болуы (бұдан әрі мәтін бойынша – КЖ және ТҚ тізбесі);
 - 15) Сақтанушының/Сақтандырылған тұлғаның Сақтандырушының тиісті тексеру жүргізуі үшін сұратуы бойынша құжаттарды, сондай-ақ қосымша ақпаратты ұсынбауы;
 - 16) ақша және (немесе) өзге мүлікпен жасалатын операция КЖ және ТҚ мақсатында жасалып жатыр деп пайымдауға негіздердің болуы.
- 5. Сондай-ақ, Шарт бойынша мыналар қамтылмайды:**
- 1) сақтандыру оқиғасына байланысты істерді жүргізуге және оны уәкілетті органдарда дәлелдеуге байланысты шығыстар (көшірме жасауға, нотариалдық куәландыруға, сараптама жүргізуге, адвокаттың, өкілдің, аудармашының қызметтеріне ақы төлеу және т.б. шығыстар);
 - 2) Шартта көзделген сақтандыру сомасынан тыс келтірілген зиян;
 - 3) сақтандыру жағдайының нәтижесінде келтірілген залалдың мөлшерін анықтау мақсатында сараптама жүргізуге арналған шығыстар, сараптама Сақтандырушының жазбаша ұсынымы бойынша жүргізілген жағдайларды қоспағанда;
 - 4) Қазақстан Республикасының қолданыстағы заңнамасында көзделген басқа жағдайлар;
 - 5) Сақтанушының/Сақтандырылған тұлғаның Сақтандырушының тиісті тексеру жүргізуі үшін сұратуы бойынша құжаттарды, сондай-ақ қосымша ақпаратты ұсынбауы.
- 6. Шарт қандай да бір жағдайда компьютерді, компьютерлік жүйені, бағдарламалық қамтамасыз етуді, кодты, вирусты немесе процессті не кез келген өзге электрондық жүйені қасақана пайдалану немесе қолдану (зиян келтіру құралы ретінде) нәтижесінде тікелей немесе жанама түрде туындаған залалдарды, зиянды, жауапкершілікті немесе шығыстарды қамтымайды.**
- 7. Сақтандыру шарты кез келген компьютерді, компьютерлік жүйені немесе бағдарламалық қамтамасыз етуді, не кез келген өзге электрондық жүйені кез келген қарудың немесе снарядтың іске қосу және/немесе бағыттау және/немесе іске қосу тетігі жүйесінде пайдалану нәтижесінде туындайтын залалдарды қамтымайды.**

6-бап.Сақтандыру сомасын айқындау тәртібі

1. Сақтандыру сомасы – сақтандыру объектісі сақтандырылған ақша сомасы және сақтандыру жағдайы басталған кезде Сақтандырушының жауапкершілігінің шекті көлемін білдіреді.
2. Сақтандыру шарты бойынша жалпы сақтандыру сомасы сақтандыруға қабылданған әрбір объект бойынша жеке сақтандыру сомаларынан құралады.
3. Сақтандыру шартында мыналар белгіленуі мүмкін:
 - 1) жалпы сақтандыру сомасы – сақтандыру қорғанысының бүкіл қолданылу кезеңі ішінде барлық сақтандыру жағдайлары бойынша жиынтық шекті жауапкершілік көлемі;
 - 2) сақтандыруға қабылданған әрбір объект бойынша сақтандыру сомасы;
 - 3) әрбір немесе бірнеше сақтандыру жағдайлары бойынша сақтандыру сомасы;



- 4) бір оқиға нәтижесінде орын алған сақтандыру жағдайларының сериясы бойынша сақтандыру сомасы;
- 5) әрбір сақтандыру тәуекелі немесе сақтандыру тәуекелдерінің тобы бойынша сақтандыру сомасы;
- 6) сақтандыру сомасының өзге де түрлері.

7-бап. Сақтандыру сыйлықақысы

1. Сақтандыру сыйлықақысы – сақтанушының сақтандыру шартымен айқындалған мөлшерде Сақтанушыға (Пайда алушыға) сақтандыру төлемін жүзеге асыру жөніндегі міндеттемелерді қабылдағаны үшін Сақтандырушыға төлеуге міндетті ақша сомасы. Сақтандыру шарты бойынша төленуге жататын сақтандыру сыйлықақысының мөлшері сақтандыру объектісі мен сақтандыру тәуекелінің сипатын ескере отырып, сақтандыру сомасының бірлігіне есептеледі.
2. Сақтандыру шартында жалпы сақтандыру сыйлықақысы белгіленеді. Сондай-ақ сақтандыру шартында сақтандыру сомасы мен сақтандыру тарифіне сүйене отырып, әрбір объект және әрбір сақтандыру тәуекелі бойынша сақтандыру сыйлықақысы белгіленуі мүмкін.
3. Сақтандыру сыйлықақысы сақтанушы тарапынан біржолғы төлеммен немесе кезеңдік сақтандыру жарналары түрінде бөліп төленеді, қолма-қол немесе қолма-қол ақшасыз нысанда жүзеге асырылады.
4. Сақтанушы сақтандыру сыйлықақысын (сақтандыру жарнасын) сақтандыру шартында белгіленген мерзімдерде төлемеген жағдайда, Сақтандырушы:
 - 1) кезекті сақтандыру жарнасы төленбеген күннен бастап Шартты біржақты тәртіппен бұзуға;
 - 2) егер сақтандыру жағдайының белгілері бар оқиға мерзімі өтіп кеткен сақтандыру сыйлықақысы (сақтандыру жарнасы) төленгенге дейін орын алса, сақтандыру төлемін жүзеге асырудан бас тартуға құқылы.
5. Сақтандыру сыйлықақысын бөліп төлеу көзделген және Сақтанушы төлем кестесіне сәйкес кезекті сақтандыру жарнасын төлеуді 5 (бес) күнтізбелік күннен артық кешіктірген жағдайда, Сақтандырушы бүкіл кезең үшін сақтандыру сыйлықақысының сомасын толық көлемде сот тәртібімен өндіріп алуға құқылы.

8-бап. Франшиза

1. Сақтандыру шарты бойынша тараптардың келісімімен шартсыз франшиза көзделуі мүмкін. Шартсыз франшиза – залал мөлшері мен сақтандыру сомасына қарамастан, әрбір және кез келген сақтандыру жағдайы бойынша сақтандыру төлемінің сомасынан шегеріледі.
2. Франшиза сақтандыру сомасының пайызымен де, сондай-ақ белгіленген (тіркелген) сома түрінде де белгіленуі мүмкін.

9-бап. Сақтандыру шартын жасасу тәртібі

1. Сақтандыру шарты Сақтанушының өтініш-сауалнамасы негізінде жасалады. Өтініш-сауалнама Сақтандыру шартының ажырамас бөлігі болып табылады. Өтініш-сауалнама нысаны Сақтандырушының ішкі құжаттарына сәйкес жасалады.
2. Сақтандыру шарты Сақтанушының Сақтандырушыға жазбаша өтініші арқылы жасалады.
3. Егер сақтандыру шарты белгіленген нысандағы Сақтанушының жазбаша өтініш-сауалнамасы негізінде жасалса, онда бұл өтініш шарттың ажырамас бөлігі болып табылады.
4. Сақтандырушы өтініш-сауалнаманың нысанын және сұратылатын мәліметтерді өзгертуге құқылы.
5. Сақтандыру шартын жасасу кезінде Сақтанушы Сақтандырушыға сақтандыру жағдайының басталу ықтималдығын және ықтимал залал мөлшерін айқындау үшін елеулі мәні бар өзіне белгілі мән-жайларды (сақтандыру тәуекелін) хабарлауға міндетті.
6. Сақтанушы сондай-ақ сақтандырылатын объектіге қатысты сақтандыру тәуекелін айқындау мақсатында Сақтандырушы қойған сұрақтарға жауап беруге міндетті.
7. Сақтандырылатын мүлік туралы ақпараттың дұрыстығына Сақтанушы жауап береді.



8. Егер сақтандыру шарты Сақтанушының Сақтандырушының қандай да бір сұрақтарына жауап бермей жасалса, Сақтандырушы кейіннен осы мән-жайлар хабарланбады деген негізбен шартты бұзуды немесе оны жарамсыз деп тануды талап ете алмайды.
9. Егер сақтандыру шарты жасалғаннан кейін Сақтанушы осы баптың 5-тармағында көрсетілген мән-жайлар туралы Сақтандырушыға көрінеу жалған мәліметтер бергені анықталса, Сақтандырушы шартты жарамсыз деп тануды талап етуге құқылы.
10. Егер Сақтанушы хабарламаған мән-жайлар жойылып кеткен болса, Сақтандырушы шартты жарамсыз деп тануды талап ете алмайды.
11. Сақтанушының өтінішінде сақтандыру шарты жасалған сәтте сақтандырылатын мүлікте бар зақымдар мен ақаулар көрсетіледі. Сақтанушы өзіне тиесілі мүлікке қатысты үшінші тұлғалардың талаптары, сот талап-арыздары немесе қабылданған сот шешімдері бар екендігі туралы Сақтандырушыны хабардар етуге міндетті.
12. Сақтандыру шарты мыналарды қамтуы тиіс:
 - 1) Сақтандырушының атауы, орналасқан жері және банктік деректемелері;
 - 2) Сақтанушының тегі, аты, әкесінің аты (бар болса) және тұрғылықты жері (егер ол жеке тұлға болса) немесе атауы, орналасқан жері және банктік деректемелері (егер ол заңды тұлға болса);
 - 3) сақтандыру объектісін көрсету;
 - 4) сақтандыру жағдайын көрсету;
 - 5) сақтандыру сомасының мөлшері және сақтандыру төлемін жүзеге асыру тәртібі мен мерзімдері;
 - 6) сақтандыру сыйлықақысының мөлшері, оны төлеу тәртібі мен мерзімдері;
 - 7) шарттың жасалған күні және қолданылу мерзімі;
 - 8) сақтандырылған тұлға және Пайда алушы туралы мәліметтер (егер олар сақтандыру қатынастарына қатысушы болса);
 - 9) сақтандыру шартының нөмірі;
 - 10) шарт талаптарына өзгерістер енгізу жағдайлары мен тәртібі;
 - 11) сақтандыру төлемін жүзеге асыру үшін қажетті жетіспейтін құжаттар туралы Сақтанушыны немесе Сақтандырылған тұлғаны хабардар ету мерзімдері;
 - 12) Сақтанушының бизнес-сәйкестендіру нөмірін (бар болса), резиденттік белгісін және экономика секторын көрсету;
 - 13) сақтандырылған тұлғаның (Пайда алушының) бизнес-сәйкестендіру нөмірін (бар болса), резиденттік белгісін және экономика секторын көрсету, егер ол сақтандыру шарты бойынша Сақтанушы болып табылмаса;
 - 14) сақтандыру сомасының, сақтандыру төлемінің және сақтандыру сыйлықақысының валютасын көрсету.
13. Сақтандыру шарты жоғалған жағдайда Сақтандырушы Сақтанушының жазбаша өтініші негізінде шарттың көшірмесін береді. Осыдан кейін жоғалған шарт жарамсыз деп есептеледі және ол бойынша сақтандыру төлемі жүзеге асырылмайды.

10-бап. Сақтандыру шартының қолданылу мерзімі және орны

1. Сақтандыру шарты Сақтанушы сақтандыру сыйлықақысын төлеген сәттен бастап, ал оны бөліп төлеу кезінде – бірінші сақтандыру жарнасын төлеген сәттен бастап күшіне енеді және тараптар үшін міндетті болады, егер сақтандыру шартында өзгеше көзделмесе.
2. Сақтандыру шарты, егер шартта өзгеше көзделмесе, бірінші сақтандыру жағдайы бойынша сақтандыру төлемі жүзеге асырылған сәттен бастап өзінің қолданылуын тоқтатады.
3. Сақтандыру қорғанысының әрекет ету кезеңі сақтандыру шартының қолданылу мерзімімен сәйкес келеді, егер сақтандыру шартында өзгеше көзделмесе.
4. Сақтандыру шартының қолданылу орны (сақтандыру аумағы) тек сақтандыру шартында көрсетілген аумаққа ғана таралады.

11-бап. Тараптардың құқықтары мен міндеттері

1. Сақтанушының құқықтары:
 - 1) Шарт жоғалған жағдайда – оның көшірмесін алу;



- 2) Сақтандырушының келісімімен Шарт талаптарын өзгерту;
- 3) Сақтандыру қағидаларының 16-бабында белгіленген тәртіппен және мерзімдерде Шартты мерзімінен бұрын бұзу;
- 4) Сақтанушы сақтандыру қағидаларында және Қазақстан Республикасының қолданыстағы заңнамасында көзделген өзге де құқықтарға ие.
2. Сақтанушы/Сақтандырылған тұлға міндетті:
 - 1) Шарт қолданылатын кезеңде сақтандыру объектісіне қатысты қолданыстағы басқа сақтандыру шарттары туралы хабарлау;
 - 2) сақтандыру тәуекелінің ұлғаюы туралы дереу, бірақ кез келген жағдайда 3 (үш) жұмыс күнінен кешіктірмей Сақтандырушыға хабарлау. Шарт жасасу кезінде хабарланған мән-жайлардың кез келген өзгерістері елеулі болып табылады;
 - 3) Шарт қолданылу кезеңінде, 3 (үш) жұмыс күнінен кешіктірмей, өзіне белгілі болған елеулі өзгерістер туралы Сақтандырушыға хабарлау. Шарт бойынша елеулі өзгерістер болып танылады:
 - көрсетілетін қызмет көлемінің 10 (он) пайыз және одан да көп ұлғаюы;
 - кәсіби қызметті жүзеге асыруға лицензияға/рұқсатқа өзгерістер енгізу;
 - кадрлық өзгерістердің 10 (он) пайыз және одан да көп болуы.
 - 4) өрт қауіпсіздігі талаптарын сақтау, оның ішінде өртке қарсы қызметтердің нұсқамалары бойынша бұзушылықтарды жою;
 - 5) өртті сөндіру үшін сақталатын тауардан 10 метрден аспайтын қашықтықта орналасқан кемінде 10 тонна суы бар резервуардың, гидранттардың, шлангілердің, спринклер жүйесінің, помпалардың, өрт сөндіргіштердің және т.б. болуы, осы талап бұзылған жағдайда сақтандыру жағдайы туындаса сақтандыру төлемі жүзеге асырылмайды.
 - 6) сақтандыру жағдайы туындаған кезде дереу құзыретті органдарға хабарлау және залал мөлшерін азайту үшін барлық мүмкін шараларды қабылдау;
 - 7) тауардың тәулік бойы күзетілуін, барлық қойма үй-жайларында толық шолумен үздіксіз бейнебақылауды, сондай-ақ бейнежазбаларды Шарт қолданылу мерзімі аяқталғанға дейін сақтауды қамтамасыз ету, бұл талап бұзылған жағдайда сақтандыру төлемі жүзеге асырылмайды;
 - 8) сақтандыру жағдайы туындаған сәттен бастап дереу, бірақ 3 (үш) жұмыс күнінен кешіктірмей Сақтандырушыға кез келген қолжетімді тәсілмен (ауызша, жазбаша) хабарлау. Ауызша хабарлама міндетті түрде кейіннен (қырық сегіз сағат ішінде) жазбаша түрде расталуы тиіс. Сондай-ақ оқиғаның себептері, барысы және салдары туралы, сондай-ақ келтірілген зиянның сипаты мен мөлшері туралы барлық қолжетімді ақпарат пен құжаттарды ұсыну;
 - 9) Сақтандырушы сақтандыру төлемін жүзеге асырғаннан кейін, оған барлық құжаттар мен дәлелдемелерді беру және оған берілген талап ету құқығын жүзеге асыру үшін қажетті барлық мәліметтерді хабарлау;
 - 10) үшінші тұлғалардың зиянды өтеу туралы талаптарын реттеуге Сақтандырушының қатысу мүмкіндігін қамтамасыз ету, бұл ретте сақтандыру жағдайынан туындаған залалды дәлелдеу Сақтанушыға жүктеледі;
 - 11) Сақтандырушының келісімінсіз Пайда алушы ұсынған зиянды өтеу туралы талаптарды толық немесе ішінара мойындамау, сондай-ақ мұндай талаптарды реттеу бойынша қандай да бір тікелей немесе жанама міндеттемелерді өзіне алмау;
 - 12) зиянды өтеу туралы талаптар қойылған жағдайда Сақтандырушыға сотта және соттан тыс қорғауда барлық мүмкін көмекті көрсету;
 - 13) сақтандыру жағдайының туындауына жауапты тұлғаға қатысты талап ету құқығының Сақтандырушыға өтуін қамтамасыз ету;
 - 14) Сақтанушы өзінің, сондай-ақ Сақтандырылған тұлғаның (Пайда алушының) дербес деректерін Сақтандырушы немесе үшінші тұлға жинауына және өңдеуіне, оның ішінде трансшекаралық беруіне келісімін растайды. Дербес деректерді сақтау мерзімі Сақтандырушы тарапынан 10 жыл болып айқындалады;
 - 15) Сақтанушы өзінің, сондай-ақ Сақтандырылған тұлғаның (Пайда алушының) дербес деректерін ашық дереккөздерде және үшінші тұлғаларға таратуға келісімін растайды;



- 16) Сақтанушы Сақтандырылған тұлғадан (Пайда алушыдан) Сақтандырушы немесе үшінші тұлға Сақтандырылған тұлғаның (Пайда алушының) дербес деректерін өңдеуіне, оның ішінде дербес деректерді трансшекаралық беруге, сондай-ақ дербес деректерді жалпыға қолжетімді дереккөздерде, электрондық және өзге де деректер базаларында және картотекаларда таратуға, сондай-ақ мұндай деректерді үшінші тұлғаларға беруге жазбаша келісім алуға міндетті.
 - 17) Сақтанушы Сақтандырылған тұлғаның (Пайда алушының) дербес деректерін Сақтандырушы немесе үшінші тұлға өңдеуіне келісімінің болмауына, оның ішінде дербес деректерді трансшекаралық беруге және дербес деректерді жалпыға қолжетімді дереккөздерде, электрондық және өзге де деректер базаларында және картотекаларда таратуға келісімінің болмауына, сондай-ақ мұндай деректерді үшінші тұлғаларға беруге келісімінің болмауына жауапты болады.
 - 18) Деректерді жинауға және өңдеуге келісім мыналарды қамтиды:
 - атауы (тегі, аты, әкесінің аты (егер жеке басын куәландыратын құжатта көрсетілсе), бизнес-сәйкестендіру нөмірі (жеке сәйкестендіру нөмірі);
 - субъектінің тегі, аты, әкесінің аты (егер жеке басын куәландыратын құжатта көрсетілсе);
 - дербес деректерді жинауға және өңдеуге келісімнің қолданылу мерзімі немесе кезеңі;
 - оператордың дербес деректерді үшінші тұлғаларға беру мүмкіндігі немесе оның болмауы туралы мәліметтер;
 - дербес деректерді өңдеу барысында олардың трансшекаралық берілуінің бар-жоғы туралы мәліметтер;
 - дербес деректердің жалпыға қолжетімді дереккөздерде таратылуы туралы мәліметтер;
 - дербес деректер субъектісіне қатысты жиналатын деректердің тізбесі.Сақтанушы өзінің келісімін, сондай-ақ Сақтандырылған тұлғаның (Пайда алушының) келісімін Сақтандырушы немесе үшінші тұлға тарапынан Сақтанушының дербес деректерін, жалпыға қолжетімді дереккөздерде, электрондық және өзге де деректер базаларында және картотекаларда, әлеуметтік желілерде, интернет-ресурстарда, Сақтанушының, Сақтандырылған тұлғаның, Пайда алушының мобильді қосымшаларында, сондай-ақ олардың серіктестерінің интернет-ресурстарында, мобильді қосымшаларында және әлеуметтік желілерінде сақталған деректерді жинауға және өңдеуге келісетінін растайды.
 - 19) Сақтанушы Шартта және Қазақстан Республикасының қолданыстағы заңнамасында көзделген өзге де міндеттерді орындайды.
- 3. Сақтандырушының құқықтары:**
- 1) Сақтанушы хабарлаған ақпаратты тексеруге;
 - 2) кез келген уақытта Сақтанушының Шарт талаптарын орындауын тексеруге, бұл ретте Сақтанушы оған кедергі жасауға құқылы емес;
 - 3) Сақтанушы немесе Сақтандырылған тұлға Шарт талаптарын бұзғаны анықталған жағдайда, оларды жою бойынша Сақтанушы немесе Сақтандырылған тұлға үшін міндетті жазбаша нұсқаулар беруге;
 - 4) сақтандыру жағдайы бойынша құзыретті органдардан барлық қажетті құжаттарды сұратуға;
 - 5) егер сақтандыру жағдайы Шарт талаптарының бұзылуы салдарынан орын алса, сондай-ақ сақтандыру қағидаларының 5-бабында көрсетілген негіздер бойынша Пайда алушыға сақтандыру төлемін жүзеге асырудан бас тартуға;
 - 6) сақтандыру қағидаларының 16-бабында белгіленген тәртіппен және мерзімдерде Шартты мерзімінен бұрын бұзуға;
 - 7) тиісті тексеру жүргізу үшін Сақтанушыдан қажетті құжаттарды талап етуге;
 - 8) Сақтандырушы Шартта және Қазақстан Республикасының қолданыстағы заңнамасында көзделген өзге де құқықтарға ие.
- 4. Сақтандырушы міндетті:**
- 1) Сақтанушының Шартты жоғалту туралы жазбаша өтінішін алған сәттен бастап 3 (үш) жұмыс күні ішінде оның көшірмесін беруге;



- 2) сақтандыру жағдайының туындауын, оның себептерін, залал мөлшерін және сақтандыру төлемін алушының оны алуға құқығын растайтын барлық қажетті құжаттар болған жағдайда, қажетті құжаттардың соңғысын алған сәттен бастап 10 (он) жұмыс күні ішінде сақтандыру төлемін жүзеге асыруға немесе одан бас тартуға;
- 3) құжаттарды алған күннен бастап 15 күн ішінде сақтандыру төлемін жүзеге асыру үшін жетіспейтін құжаттар туралы Сақтанушыны/Сақтандырылған тұлғаны хабардар етуге;
- 4) Сақтандырушы Шартта және Қазақстан Республикасының қолданыстағы заңнамасында көзделген өзге де міндеттерге ие;
- 5) келесі жағдайларда сақтандыру төлемінен бас тартуға:
 - Сақтанушының/ Сақтандырылған тұлғаның/ Пайда алушының және (немесе) бенефициарлық меншік иесінің Қазақстан Республикасы Қаржылық мониторинг агенттігінің ресми сайтында жарияланған терроризм мен экстремизмді қаржыландыруға байланысты ұйымдар мен тұлғалардың тізімінде, сондай-ақ жаппай қырып-жою қаруын таратуды қаржыландырумен байланысты тұлғалар тізімінде (бұдан әрі мәтінде – ЖҚҚТҚ тізбесі) болуы;
 - Сақтанушының/ Сақтандырылған тұлғаның Сақтандырушының сұрауы бойынша тиісті тексеруді жүргізу үшін құжаттарды, сондай-ақ қосымша ақпаратты ұсынбауы;
 - ақша және (немесе) өзге мүлікпен операция КЖ және ТҚ (қылмыстық жолмен алынған кірістерді заңдастыру және терроризмді қаржыландыру) мақсатында жасалады деп пайымдауға негіздер болған жағдайда.
5. Жәбірленуші құқықтары:
 - 1) Сақтандырушыға Сақтанушы немесе Сақтандырылған тұлға келтірген зиян нәтижесінде болған оқиға туралы хабарлауға;
 - 2) Сақтанушының немесе Сақтандырылған тұлғаның орнына сақтандыру төлемін жүзеге асыру үшін қажетті құжаттарды жинауды жүзеге асыруға және оларды Сақтандырушыға ұсынуға;
 - 3) мүлікке келтірілген зиян мөлшерін бағалау үшін тәуелсіз сарапшының қызметтерін пайдалануға;
 - 4) Сақтандырушы және тәуелсіз сарапшы жүргізген келтірілген зиян мөлшерін бағалау нәтижелерімен және сақтандыру төлемінің мөлшерін есептеумен танысуға;
 - 5) сақтандыру төлемін сақтандыру қағидаларының 14-бабында белгіленген мөлшерде, тәртіппен және мерзімдерде алуға;
 - 6) Қазақстан Республикасының қолданыстағы заңнамасында белгіленген тәртіппен Сақтандырушының сақтандыру төлемін жүзеге асырудан бас тарту немесе оның мөлшерін азайту туралы шешіміне дау айтуға;
 - 7) келтірілген зиян сомасының алынған сақтандыру төлемі сомасынан асатын бөлігінде Сақтанушыға зиянды өтеу туралы талап қоюға.
6. Жәбірленуші міндетті:
 - 1) Қазақстан Республикасының заңнамасында белгіленген талап қою мерзімі ішінде заңға немесе Шартқа сәйкес сақтандыру төлемін жүзеге асырудан бас тартуға негіз болған мән-жай анықталған жағдайда, Сақтандырушының жазбаша хабарламасын алған сәттен бастап 7 (жеті) жұмыс күні ішінде сақтандыру төлемінің сомасын Сақтандырушыға қайтаруға;
 - 2) Шартта көзделген жағдайларда сақтандыру қағидаларында белгіленген Жәбірленушінің құқықтары мен міндеттері Пайда алушы ретінде әрекет ететін өзге тұлғаларға ауысады.
7. Тараптардың құқықтары мен міндеттерінің тізбесі толық болып табылмайды, тараптардың жекелеген міндеттері осы сақтандыру ережелерінің басқа тармақтарында көзделген және сақтандыру шартында кеңейтілуі мүмкін.

12-бап. Сақтандыру шарты қолданылу кезеңінде сақтандыру тәуекелінің ұлғаюының салдары

1. Сақтандыру шарты қолданылу кезеңінде Сақтанушы (Сақтандырылған тұлға) Сақтандырушыға Шарт жасасу кезінде хабарланған мән-жайлардың өзіне белгілі болған елеулі өзгерістері туралы, егер бұл өзгерістер сақтандыру тәуекелінің ұлғаюына елеулі әсер етуі мүмкін болса, дереу жазбаша түрде хабарлауға міндетті.
2. Кез келген жағдайда келесі өзгерістер мен мән-жайлар елеулі болып танылады:



- 1) сақтандыру аумағының өзгеруі;
- 2) Сақтанушы қызметінің түрінің өзгеруі;
Сақтандыру шартында сақтандыру тәуекелінің ұлғаюына әсер ететін басқа да елеулі өзгерістер көзделуі мүмкін.
3. Сақтандыру тәуекелінің ұлғаюына әкеп соғатын мән-жайлар туралы хабардар етілген Сақтандырушы сақтандыру шартының талаптарын өзгертуге және сақтандыру тәуекелінің ұлғаюына сәйкес қосымша сақтандыру сыйлықақысын төлеуді талап етуге құқылы.
4. Егер Сақтанушы сақтандыру шартының талаптарын өзгертуге немесе сақтандыру сыйлықақысын қосымша төлеуге қарсы болса, Сақтандырушы Қазақстан Республикасының заңнамасына сәйкес сақтандыру шартын бұзуды талап етуге құқылы. Бұл ретте Сақтанушы сақтандыру қорғанысының қалған мерзімі үшін сақтандыру сыйлықақысының бір бөлігін, Сақтандырушының іс жүргізу шығыстарын және сақтандыру қызметінен алынатын табыс салығын ескере отырып, қайтаруға құқылы.
5. Сақтанушы осы баптың 1-тармағында көзделген міндетті орындамаған жағдайда, Сақтандырушы сақтандыру шартын бұзуды және оны бұзумен келтірілген залалды өтеуді талап етуге немесе сақтандыру жағдайы туындаған кезде сақтандыру тәуекелінің ұлғаюына сәйкес сақтандыру төлемінің мөлшерін азайтуға не сақтандыру төлемінен бас тартуға құқылы.
6. Егер сақтандыру тәуекелінің ұлғаюына әкеп соғатын мән-жайлар жойылған болса, Сақтандырушы Шартты бұзуды талап етуге құқылы емес.

13-бап. Сақтандыру жағдайы туындаған кезде Сақтанушының әрекеттері

1. Сақтандыру жағдайының белгілері бар оқиға және/немесе салдары сақтандыру жағдайының туындауына әкелуі мүмкін оқиға туындаған кезде, сондай-ақ сақтандыру жағдайы туындаған кезде Сақтанушы міндетті:
 - қалыптасқан жағдайларда мүмкін болатын залалды болдырмау немесе азайту үшін барлық ақылға қонымды және қолжетімді шараларды қабылдауға, оның ішінде зақымдалған мүлікті құтқару және сақтау жөніндегі шараларды қабылдауға (егер Сақтандырушы нақты шаралар қабылдау туралы нұсқаулар берген болса, оларды орындауы тиіс);
 - оқиғаны уәкілетті мемлекеттік және өзге де құзыретті органдармен құжаттық түрде ресімдеуді қамтамасыз етуге;
 - мүмкіндігінше қысқа мерзімде, бірақ кез келген жағдайда ол оқиға туралы білген күннен бастап 3 (үш) жұмыс күнінен кешіктірмей, Сақтандырушыны немесе оның уәкілетті өкілін хабардар етуге, оған оқиғаның мән-жайлары, келтірілген залалдың түрлері мен болжамды мөлшері туралы барлық белгілі мәліметтерді хабарлауға, Сақтандырушымен әрі қарайғы әрекеттерді келісуге, сондай-ақ Сақтандырушы белгілеген нысан бойынша жазбаша өтініш ұсынуға. Егер сақтандыру шартында өзге мерзім және (немесе) хабарлау тәсілі көзделсе, ол белгіленген мерзімде және шартта көрсетілген тәсілмен жүзеге асырылуы тиіс;
 - зақымдалған мүлікті сақтандыру оқиғасы туындағаннан кейінгі күйінде, Сақтандырушы оны қарап шыққанға дейін сақтауға. Сақтанушы келтірілген залалдың көрінісін тек қауіпсіздік мақсатында, залал мөлшерін азайту үшін немесе Сақтандырушының келісімімен, сондай-ақ оқиға туралы Сақтандырушыны хабардар еткеннен кейін екі апта өткен соң ғана өзгертуге құқылы;
 - сақтандыру төлемін жүзеге асыру үшін қажетті барлық құжаттар мен мәліметтерді Сақтандырушыға ұсынуға;
 - Сақтандырушыға сақтандыру жағдайы (оқиға) болған жерді және зақымдалған мүлікті қарап тексеруге немесе зерттеуге, залалдың себептері мен мөлшеріне қатысты тергеп-тексеру жүргізуге, залалды азайту және сақтандырылған мүлікті құтқару жөніндегі іс-шараларға қатысуға мүмкіндік беруге;
 - залал үшін жауапты тұлғаға қатысты талап ету құқығын қамтамасыз етуге;
2. Сақтандырушының өкілі Сақтанушыдан залал туралы хабарламаны күтпей-ақ, зардап шеккен мүлікті қарауға кірісуге құқылы. Сақтанушы оған кедергі жасауға құқылы емес.
3. Егер Сақтанушы Сақтандырылған тұлға болып табылмаса, сақтандыру жағдайы туралы Сақтандырушыны хабардар ету және қалыптасқан жағдайларда мүмкін болатын залалды



болдырмау немесе азайту үшін барлық ақылға қонымды және қолжетімді шараларды қабылдау, оның ішінде сақтандырылған мүлікті құтқару және сақтау жөніндегі шараларды қабылдау міндеті Сақтандырылған тұлғаға жүктеледі.

4. Пайда алушы барлық жағдайларда, Сақтанушы немесе Сақтандырылған тұлға мұны жасаған-жасамағанына қарамастан, Сақтандырушыға сақтандыру жағдайының туындауы туралы хабарлауға құқылы.
5. Сақтандыру жағдайының туындауы туралы белгіленген мерзімде Сақтандырушыны хабардар етпеу оған сақтандыру төлемінен бас тартуға құқық береді.
6. Сақтандырушы немесе оның өкілдері сақтандырылған мүлікті құтқаруға және сақтауға қатысуға, бұл үшін қажетті шараларды қабылдау жөнінде Сақтанушыға нұсқау беруге құқылы.

14-бап. Сақтандыру төлемін жүзеге асыру тәртібі мен мерзімдері

1. Сақтандыру төлемін жүзеге асыру туралы талап Сақтандырушыға Сақтанушы немесе Сақтандырылған тұлға, не Пайда алушы тарапынан жазбаша түрде, сақтандыру төлемін жүзеге асыру үшін қажетті барлық құжаттарды қоса тіркей отырып ұсынылады. Сақтандыру төлемінің валютасы – теңге.
2. Егер Шарт бойынша Пайда алушылар бірнеше тұлға болса, онда олар сақтандыру төлемін сақтандыру сомасы мөлшері шегінде, келтірілген залалға пропорционалды түрде алады.
3. Келтірілген зиянды толық өтеу үшін сақтандыру сомасы жеткіліксіз болған жағдайда, Сақтанушы Жәбірленушіге сақтандыру сомасы мен нақты зиян мөлшерінің арасындағы айырманы өтейді.
4. Сақтандыру төлемі сақтандыру жағдайының туындауын, оның себептерін, залал мөлшерін және алушының сақтандыру төлемін алуға құқығын растайтын қажетті құжаттардың соңғысы ұсынылған сәттен бастап 10 (он) жұмыс күнінен кешіктірмей жүзеге асырылады, атап айтқанда:
 - 1) Сақтандыру шартының көшірмесі;
 - 2) болған оқиға туралы қысқаша сипаттамасы бар Сақтанушының жазбаша өтініші;
 - 3) Сақтанушы – жеке тұлға болған жағдайда жеке куәлігінің көшірмелері, заңды тұлға үшін – заңды тұлғаны мемлекеттік тіркеу туралы куәліктің, статистикалық картаның көшірмелері;
 - 4) сақтандыру жағдайының туындау фактісін және себептерін растайтын уәкілетті мемлекеттік органдардың құжаттары;
 - 5) үшінші тұлғалардың Сақтанушы келтірген зиянды өтеу туралы ресми талабы (претензиясы);
 - 6) Сақтанушыға келтірілген зиянды өтеу міндетін жүктейтін сот шешімі;
 - 7) келтірілген зиянды бағалау туралы тәуелсіз сарапшының жазбаша қорытындысы;
 - 8) Пайда алушының сақтандыру төлемін алуға құқығын растайтын құжаттар: жеке куәлік, неке туралы куәлік, туу туралы куәлік, сенімхат және т. б.;
5. Сақтандыру төлемі сақтандыру жағдайының туындауы нәтижесінде Жәбірленуші шеккен нақты залалдан аспауы тиіс.
6. Сақтандыру төлемі жүзеге асырылғаннан кейін сақтандыру сомасы жүзеге асырылған сақтандыру төлемінің мөлшеріне азаяды. Сақтанушы қосымша сақтандыру сыйлықақысын төлеу арқылы сақтандыру сомасының бастапқы мөлшерін қалпына келтіруге құқылы.
7. Мүліктік зиян келтірілген жағдайда, сақтандыру төлемінің мөлшерін Сақтандырушы нақты залал сомасына сүйене отырып, франшиза және амортизация шарттарын ескере отырып, бірақ сақтандыру сомасынан және инвойстық құнынан аспайтын мөлшерде айқындайды.
8. Амортизация деп Қазақстан Республикасы Әділет министрлігінің Сот сараптамасы орталығының әдістемелік әзірлемелерімен белгіленген, мүліктің шығарылған жылына және пайдалану мерзіміне байланысты есептелетін тозу пайызын түсіну қажет.
9. Бір сақтандыру жағдайы бойынша сақтандыру төлемі, бір оқиғадан зардап шеккен тұлғалардың санына қарамастан, 10 000 000 (он миллион) теңгеден аспауы тиіс, бұған Сақтанушы келіседі.
10. Сақтандырушы Үшінші тұлғаның мүлкіне келтірілген нақты залалдың құнын өтейді, ол баланстық құнынан аспауы тиіс, бірақ кез келген жағдайда зауыт-өндірушінің осындай мүліктің (немесе ұқсас мүліктің) құнынан аспауы тиіс, амортизациялық тозуды шегере



отырып. Бұл ретте зауыт-өндіруші белгілеген мүліктің құны немесе мүліктің баланстық құны сақтандыру төлемін жүзеге асыру күніне осындай мүліктің (немесе ұқсас мүліктің) нарықтық құнынан аспауы тиіс.

- 11.** Сақтандыру төлемінің құрамына кез келген жағдайда мыналар кірмейді:
 - 1) зақымдалған мүлікті техникалық және кепілдік қызмет көрсету шығыстары;
 - 2) зақымдалған мүлікті қайта жаңғырту және қайта жабдықтаумен байланысты жұмыстар, сондай-ақ оның жекелеген бөліктерін, бөлшектерін және тораптарын олардың тозуына, техникалық ақауына және сақтандыру жағдайына қатысы жоқ өзге де себептерге байланысты жөндеу немесе ауыстыру;
 - 3) зақымдалған мүліктің сақтандыру жағдайымен туындамаған бөліктерін (бөлшектерін және т.б.) жөндеу немесе ауыстыру құны;
 - 4) қарастырылып отырған сақтандыру жағдайына тікелей қатысы жоқ жетіспейтін бөліктердің (бөлшектердің, агрегаттардың және т.б.) құны;
 - 5) зақымдалған мүлікті тасымалдауға жұмсалған шығындар;
 - 6) құзыретті органдардың құжаттарында зақымдалған деп көрсетілмеген мүліктің бөліктерін (бөлшектерін және т.б.) жөндеуге жұмсалған шығындар, жасырын ақауларды қоспағанда;
 - 7) жөндеу жүргізетін кәсіпорында қажетті қосалқы бөлшектердің, бөлшектердің болмауына байланысты мүлік тораптарын, агрегаттарын, бөліктерін толықтай ауыстыру (жөндеудің орнына);
 - 8) нормадан тыс тарифтерді, бағаларды және коэффициенттерді қолдануға байланысты шығындар;
 - 9) зақымдалған жабдықта, агрегаттарда, конструкцияларда қолданылатын әртүрлі техникалық сұйықтықтарды ауыстыруға байланысты шығындар;
 - 10) зақымдалған мүліктің құнын арттыруға әкелетін өзге де шығындар.
- 12.** Сақтандыру жағдайы салдарынан келтірілген мүліктік залалдың мөлшері тәуелсіз сарапшының бағалау туралы жазбаша есебі негізінде айқындалады.
- 13.** Сақтандырушы мүліктік залал болған жағдайда, сақтандыру төлемін оның орнына сақтандыру төлемі сомасы шегінде заттай түрде өтеумен ауыстыруға құқылы.
- 14.** Сақтандыру төлемі Жәбірленушінің банктік шотына ақша аудару арқылы жүзеге асырылады. Сақтандыру төлемі күні Сақтандырушының банктік шотынан ақша есептен шығарылған күн болып есептеледі, ал залалды заттай түрде өтеу кезінде – зардап шеккен мүлікке тең мүлікті ұсыну күні болып есептеледі.
- 15.** Егер құзыретті органдар Сақтанушыға/Сақтандырылған тұлғаға немесе Жәбірленушіге қатысты қылмыстық іс қозғаған болса және/немесе сақтандыру жағдайының туындауына және келтірілген залалға әкеп соққан мән-жайлар бойынша тергеу жүргізіліп жатса – Сақтандырушы тергеу аяқталғаннан кейін 15 күнтізбелік күн ішінде сақтандыру төлемін жүзеге асыру туралы шешім қабылдауға міндетті.
- 16.** Сақтандырушы сақтандыру төлемін жүзеге асырған жағдайда, сақтандыру жағдайы туындаған күндегі осы мүліктің нарықтық құны мөлшерінде мүлікке немесе оның қалдықтарына құқық алуға құқылы. Бұл жағдайда Жәбірленуші Сақтандырушыға жазбаша абандон туралы өтінішті (Жәбірленушінің зардап шеккен мүлікке қатысты мүліктік құқықтарынан Сақтандырушының пайдасына бас тартуы) ұсынуға міндетті, оның негізінде Сақтандырушы жоғалған мүліктің немесе оның кез келген қалдықтарының меншік иесі болу құқығын алады, барлық құқық белгілейтін құжаттарды қоса бере отырып.
- 17.** Сақтандырушы абандон құқығынан бас тартуға құқылы, бұл ретте сақтандыру төлемін жүзеге асыру кезінде жоғалған сақтандырылған мүліктің қалдық құнын ұстап қалуға құқылы.
- 18.** Егер сақтандыру жағдайы туындаған кезде сақтандыру объектісіне қатысты өзге де сақтандыру шарттары қолданылып тұрған болса, сақтандыру төлемі әрбір Сақтандырушы сақтандыру объектісін сақтандырған сақтандыру сомаларының арақатынасына пропорционалды түрде бөлінеді, ал сақтандыру шартының тарапы болып табылатын Сақтандырушы сақтандыру төлемін тек өз үлесіне тиесілі бөлігінде ғана жүзеге асырады.



**15-бап. Сақтанушының залалды өтеу жөніндегі құқықтарының Сақтандырушыға ауысуы
(суброгация)**

1. Сақтандыру төлемін жүзеге асырған Сақтандырушыға төленген сома шегінде сақтандыру нәтижесінде өтелген залал үшін жауапты тұлғаға қатысты Сақтанушының (Сақтандырылған тұлғаның) талап ету құқығы ауысады.
2. Сақтанушы (Сақтандырылған тұлға) сақтандыру төлемін алған кезде өзінде бар барлық құжаттар мен дәлелдемелерді Сақтандырушыға беруге және Сақтандырушыға ауысқан талап ету құқығын жүзеге асыру үшін қажетті барлық мәліметтерді хабарлауға міндетті.
3. Егер Сақтанушы (Сақтандырылған тұлға) Сақтандырушы өтеген залал үшін жауапты тұлғаға қатысты өз талап ету құқығынан бас тартса немесе бұл құқықты жүзеге асыру Сақтанушының (Сақтандырылған тұлғаның) кінәсінен мүмкін болмаса, Сақтандырушы сақтандыру төлемін толық немесе тиісті бөлігінде жүзеге асырудан босатылады және артық төленген соманы қайтаруды талап етуге құқылы.

16-бап. Шарттың қолданылу мерзімі және оны тоқтату шарттары

1. Сақтандыру қорғанысының әрекет ету кезеңі Сақтандыру шартының қолданылу мерзімімен сәйкес келеді.
2. Қазақстан Республикасының заңнамасында көзделген міндеттемелерді тоқтатудың жалпы негіздерінен басқа, Сақтандыру шарты мына жағдайларда мерзімінен бұрын тоқтатылады:
 - 1) франшиза және амортизация шарттарын ескере отырып, толық сақтандыру сомасы шегінде сақтандыру төлемі жүзеге асырылған кезде;
 - 2) Сақтанушының Шарттан бас тартуы;
 - 3) соттың Шартты жарамсыз деп тану туралы шешім қабылдауы;
 - 4) Сақтанушының сақтандыру объектісіне құқықтарының жоғалуы;
 - 5) Тараптардың бірінің таратылуы немесе Сақтанушы – жеке тұлға қайтыс болған жағдайда;
 - 6) Тараптардың Шартты мерзімінен бұрын тоқтату туралы келісімі;
 - 7) Тараптардың бірінің Шарт талаптарын елеулі бұзуына байланысты талап қоюы. Шарт талаптарын елеулі бұзу деп Тараптардың бірінің Шарт талаптарын орындамауы немесе Шарт талаптарын орындауға кедергі келтіретін мән-жайлардың туындауы түсініледі. Мұндай мән-жайлардың туындау фактісі құжатпен расталуы тиіс.
3. Осы сақтандыру ережелерінің осы бабының 2-тармағының 6) және 7) тармақшаларында көрсетілген негіздер бойынша Шартты мерзімінен бұрын тоқтату ниеті туралы бастамашы Тарап болжамды тоқтату күніне дейін кемінде 30 (отыз) күнтізбелік күн бұрын екінші Тарапты хабардар етуге міндетті.
4. Осы сақтандыру ережелерінің осы бабының 2-тармағының 4) тармақшасында көрсетілген негіздер бойынша, сондай-ақ Қазақстан Республикасы Азаматтық кодексінің 841-бабының 1-тармағында көзделген жағдайларда Шарт мерзімінен бұрын тоқтатылған кезде, Сақтандырушы төленген сақтандыру сыйлықақысынан сақтандыру әрекет еткен уақытқа пропорционалды есептелген бөлігін ұстап қалуға, сондай-ақ қайтарылатын сомадан әкімшілік шығыстарды (оның ішінде: жасалған Сақтандыру шарты бойынша табыс салығы, агенттік сыйақы және Сақтандыру шартына қызмет көрсететін менеджердің сыйақысы) шегеруге құқылы.
5. Сақтанушы – жеке тұлғаның Шарттан бас тартуына байланысты, егер бұл осы сақтандыру ережелерінің осы бабының 2-тармағында көрсетілген мән-жайлармен байланысты болмаса, Шарт жасалған күннен бастап 14 (он төрт) күнтізбелік күн ішінде Сақтандырушы Сақтанушы – жеке тұлғаға алынған сақтандыру сыйлықақысын (сақтандыру жарналарын) сақтандыру әрекет еткен уақытқа пропорционалды есептелген бөлігін және Шартты бұзуға байланысты шығыстарды (алынған сақтандыру сыйлықақысының (сақтандыру жарналарының) 10 (он) пайызы мөлшерінде) шегере отырып қайтаруға міндетті.
6. Сақтанушы – жеке тұлғаның қарыз шартымен байланысты Шарттан бас тартуы, яғни қарыз алушының қарыз беруші алдындағы міндеттемелерін орындауына байланысты, Сақтандырушы Сақтанушы – жеке тұлғаға алынған сақтандыру сыйлықақысын (сақтандыру жарналарын) сақтандыру әрекет еткен уақытқа пропорционалды есептелген бөлігін және Сақтандыру шартын бұзуға байланысты шығыстарды (алынған сақтандыру



сыйлықақысының (сақтандыру жарналарының) 10 (он) пайызы мөлшерінде) шегере отырып қайтаруға міндетті

7. Сақтанушының Шарттан бас тартуы осы сақтандыру ережелерінің осы бабының 2, 5, 6-тармақтарында көрсетілген мән-жайлармен байланысты болмаса, Сақтандырушыға төленген сақтандыру сыйлықақысы немесе сақтандыру жарналары қайтарылмайды.
8. При досрочном прекращении действия Шарт по иным основаниям, Сақтандырушыға төленген сақтандыру сыйлықақысы қайтарылмайды.
9. Сақтанушының Сақтандыру шартынан бас тартуы және сақтандыру сыйлықақысын төлемеген жағдайда, Сақтанушы Шарттан бас тартқан күннен бастап 1 жұмыс күні ішінде Сақтандырушыға сақтандыру сыйлықақысын толық көлемде төлеуге міндетті, сондай-ақ сыйлықақыны уақтылы төлемегені үшін төлеуге тиіс сақтандыру сыйлықақысының 0,1% мөлшерінде әрбір кешіктірілген күн үшін тұрақсыздық айыбын төлеуге міндетті.
10. Шарт мерзімінен бұрын тоқтатылған кезде, Сақтанушының сақтандыру сыйлықақысының қайтарылатын сомасын алуы (банктегі шоттан ақшаны қолма-қол ақшаға айналдыру немесе Сақтандырушының кассасынан қолма-қол ақша алу және т.б.) Сақтанушының қайтарылатын сома мөлшерімен келісетінін растайтын жеткілікті негіз болып табылады және алынған соманы даулауға кез келген мүмкіндікті жоққа шығарады. Қайтарылатын сома мөлшерімен келіспеген жағдайда, Сақтанушы аударылған ақшаны шоттан шешпеуі тиіс.

17-бап. Қосымша шарттар

1. Сақтандыру шартына өзгерістер мен толықтырулар енгізу тараптардың өзара келісімі бойынша, тараптардың бірінің жазбаша өтініші (хабарламасы) негізінде жүзеге асырылады.
2. Егер қандай да бір тарап Сақтандыру шартына өзгерістер мен толықтырулар енгізуге келіспесе, бес күндік мерзімде Сақтандыру шартының бұрынғы талаптармен жалғасуы немесе Сақтандыру шартының тоқтатылуы туралы мәселе шешіледі.
3. Тараптардың бірінің өтініші алынған сәттен бастап осы баптың 1 және 2-тармақтарынан туындайтын шешім қабылданғанға дейін Сақтандыру шарты бұрынғы талаптармен әрекет етеді.
4. Тараптар ынтымақтастық нәтижесінде алынған құпия ақпаратты жария етпеуі тиіс.
5. Шарт бойынша келесі оқиғалардың әсерінен немесе олардың болуына байланысты тікелей немесе жанама түрде туындаған жауапкершілікті сақтандыру қамтылмайды:
 - 1) соғысқа, әскери әрекеттерге, арнайы операцияларға, бітімгерлік акцияларға, кез келген қақтығыстарға, толқуларға, жаппай тәртіпсіздіктерге, революцияларға, төңкерістерге, билікті құлатуға, оккупацияларға, интервенцияларға және өзге де ұқсас әрекеттерге арналған немесе қолданылатын кез келген зымырандардың, снарядтардың, миналардың, торпедалардың, бомбалардың, жаппай қырып-жою қаруларының және өзге де құралдардың/құрылғылардың, машиналардың, кемелердің/өзге де жүзу құралдарының, техниканың, дрондардың, роботтардың, техникалық құралдардың, жабдықтардың әсері;
 - 2) соғысқа, әскери әрекеттерге, арнайы операцияларға, бітімгерлік акцияларға, кез келген қақтығыстарға, толқуларға, жаппай тәртіпсіздіктерге, революцияларға, төңкерістерге, билікті құлатуға, оккупацияларға, интервенцияларға және өзге де ұқсас әрекеттерге арналған, қолданылған немесе қолданылғаннан кейін қалған кез келген зымырандардың, снарядтардың, миналардың, торпедалардың, бомбалардың, жаппай қырып-жою қаруларының және өзге де құралдардың/құрылғылардың, машиналардың, кемелердің/өзге де жүзу құралдарының, техниканың, дрондардың, роботтардың, техникалық құралдардың, жабдықтардың әсері, сондай-ақ осындай әсер ету құралдарының залалсыздандырылмаған қалдықтарының әсері.
6. Шарт бойынша келесі жағдайларда тікелей немесе жанама түрде туындаған жауапкершілікті сақтандыру қамтылмайды:
 - 1) соғыс жарияланғанына қарамастан кез келген әскери әрекеттер;
 - 2) мемлекеттік органдар, әскери қызметшілер, әскери міндеттілер, жалдамалы әскерлер, бітімгерлер жүргізетін кез келген арнайы операциялар, іс-шаралар, әрекеттер;



- 3) жаппай тәртіпсіздіктер, революциялар, қақтығыстар, толқулар, оккупациялар, интервенциялар, локауттар, ереуілдер, митингілер;
- 4) терроризмге қарсы операциялар;
- 5) бітімгерлік операциялар;
- 6) төтенше жағдай;
- 7) коменданттық жағдай;
- 8) әскери жағдай;
- 9) қозғалысты шектеу режимдері;
- 10) жаппай тонау, қарақшылық, ұрлық, бұзақылықтың болуы;
7. Шарт бойынша келесі жағдайлардың нәтижесінде туындаған зиян немесе жоғалту сақтандыру қорғанысымен қамтылмайды:
 - 1) сақтандырылған мүлікті тәркілеу, ұлттықтандыру, басып алу, ұстап қалу, қамауға алу, жою, иемдену, реквизициялау кез келген үкіметтің немесе оның тапсырмасы бойынша (әскери, азаматтық немесе де-факто), не қоғамдық немесе жергілікті билік органдарының тарапынан жүзеге асырылған жағдайда;
 - 2) қандай да бір өзге шарттарға қарамастан, Шарт бойынша сақтандыру қамтуы оқиғаларға қолданылмайды, ал Сақтандырушы қандай да бір төлемдер немесе сақтандыру төлемдерін жүзеге асырмайды және Сақтанушыға немесе өзге тұлғаға қандай да бір қызметтер көрсетпейді, егер мұндай қамту, төлем, сақтандыру төлемі немесе қызмет және/немесе Сақтанушының кез келген кәсіпкерлік немесе өзге қызметі сауда немесе экономикалық санкциялар туралы қолданылатын кез келген заңнамалық немесе өзге де нормативтік құқықтық нормаларды бұзу болып табылса.
8. Тараптар ОФАС, Еуропалық Одақ, Ұлыбритания санкциялары және/немесе шектеулері Украина аумақтық тұтастығына, егемендігі мен тәуелсіздігіне қауіп төндіретін немесе оны бұзатын әрекеттерге қатысты Сақтанушыға, оның: аффилирленген тұлғаларына, лауазымды тұлғаларына, қызметкерлеріне, бенефициарларына, консультанттарына, өкілдеріне, серіктестеріне, контрагенттеріне қолданылған жағдайда, Сақтандырушы Шартты біржақты тәртіппен мерзімінен бұрын жазбаша хабарлама жіберу арқылы бұзуға құқылы екендігімен келіседі. Шарт Сақтандырушы Сақтанушыға электрондық пошта арқылы немесе Сақтандыру шартында көрсетілген мекенжай бойынша пошта арқылы хабарлама жіберген сәттен бастап бұзылған болып есептеледі.
9. Тараптар осы баптың 8-тармағына сәйкес Шарт тоқтатылған жағдайда, Сақтандырушы осы Шарт бойынша төленген агенттік сыйақыны шегере отырып, пайдаланылмаған сақтандыру кезеңіне пропорционалды түрде пайдаланылмаған сақтандыру сыйлықақысының бір бөлігін Шарт тоқтатылған күннен бастап 20 жұмыс күні ішінде қайтаратынымен келіседі.
10. Тараптар ОФАС, Еуропалық Одақ, Ұлыбритания санкциялары және/немесе шектеулері Украина аумақтық тұтастығына, егемендігі мен тәуелсіздігіне қауіп төндіретін немесе оны бұзатын әрекеттерге қатысты Сақтанушыға, оның: аффилирленген тұлғаларына, лауазымды тұлғаларына, қызметкерлеріне, бенефициарларына, консультанттарына, өкілдеріне, серіктестеріне, контрагенттеріне қолданылған жағдайда, Сақтандырушы Сақтандыру шарты бойынша сақтандыру төлемін жүзеге асырмайтынымен, оның ішінде санкциялар мен шектеулер енгізілгенге дейін орын алған оқиғалар бойынша да төлем жасалмайтынымен келіседі.
11. Тараптар осы баптың 8-тармағына сәйкес Шартты біржақты тәртіппен бұзған кезде және санкциялар мен шектеулерге байланысты сақтандыру төлемі жүзеге асырылмаған жағдайда, Сақтандырушы Сақтанушыға/ Сақтандырылған тұлғаға/ Пайда алушыға тұрақсыздық айыбын төлемейтінін және қандай да бір залалдарды өтемейтінін келіседі.
12. Тараптар үшінші тұлғаларға, оның ішінде бұқаралық ақпарат құралдарына, қызметтік және коммерциялық ақпарат құпиясын немесе жария етілуі Тараптардың біріне немесе олардың бірлескен қызметіне зиян келтіруі мүмкін өзге де мәліметтерді бермеуге міндеттенеді.
13. Сақтандыру шарты бойынша құқықтар мен міндеттердің басқа тұлғаларға өтуіне жол берілмейді, егер бұл Тараптардың қосымша жазбаша келісімімен өзгеше көзделмесе.
14. Сақтандыру ережелерінде көзделмеген барлық мәселелер Қазақстан Республикасының қолданыстағы заңнамасымен реттеледі.



15. Сақтандыру шартын жасасу кезінде Сақтанушы жалған мәліметтер ұсынудың салдарлары туралы ескертілгенін және келісетінін растайды, атап айтқанда сақтандыру төлемін жүзеге асырудан бас тарту немесе сақтандыру шартын жарамсыз деп тану.
16. Сақтандыру шартын жасасу кезінде Сақтанушы сақтандыру ережелерінің барлық талаптарымен танысқанын, сақтандыру ережелерінің әрбір бетін оқып шыққанын және келісетінін растайды.
17. Сақтандыру шартын жасасу кезінде Сақтанушы өтініш-сауалнамада жауаптар болмаған жағдайда Сақтандырушы тиісті бос толтырылмаған жолдарды өз пайдасына түсіндіретінімен келіседі және растайды (мысалы, егер күзет туралы белгі болмаса – күзет бар деп болжанады (ал егер күзет болмаған болса, Сақтанушы әдейі жалған мәлімет берген деп болжанады), егер алдыңғы жылдар мен айлардағы шығындар туралы ұяшық бос болса – шығындар болмаған деп болжанады, ал егер болған болса – Сақтанушы әдейі жалған мәлімет берген деп болжанады және т.б.) және Сақтанушы жағымсыз ақпаратты жасыру үшін әдейі жалған мәліметтер ұсынды деп болжанады.

18-бап. Дауларды шешу тәртібі

1. Сақтандыру шарты бойынша тараптар арасында туындайтын барлық даулар келіссөздер арқылы шешіледі.
2. Тараптар келісімге қол жеткізбеген жағдайда, дау Қазақстан Республикасының заңнамасына сәйкес сотта қаралуға беріледі.



Евразия
СТРАХОВАЯ КОМПАНИЯ

**ҚОЙМА ИЕСІНІҢ АЗАМАТТЫҚ-ҚҰҚЫҚТЫҚ
ЖАУАПКЕРШІЛІГІН ЕРІКТІ САҚТАНДЫРУ ЕРЕЖЕЛЕРІ**

**Қойма иесінің азаматтық-құқықтық жауапкершілігін ерікті сақтандыру
сақтандыру ережелерінің
Қосымша № 1**

САҚТАНДЫРУ ПОЛИСІ / СТРАХОВОЙ ПОЛИС		№ _____
САҚТАНДЫРУ СЫНЫБЫ / КЛАСС СТРАХОВАНИЯ		
МЕМЛЕКЕТТІК ЛИЦЕНЗИЯ / ГОСУДАРСТВЕННАЯ ЛИЦЕНЗИЯ		
САҚТАНДЫРУШЫ / СТРАХОВЩИК		
«Евразия» СК» АҚ, Қазақстан Республикасы, 050004, Алматы қаласы, Желтоқсан көшесі, 59, тел.: (727) 258 43 36; факс: 258 43 38, «Еуразиялық банк» АҚ-ның № 6 филиалындағы, БСН: 950540000024, IBAN: KZ4094806KZT22030005, BIC/SWIFT: EURIKZKA / АО «СК «Евразия», Республика Казахстан, 050004, г. Алматы, ул. Желтоқсан, 59, тел.: (727) 258 43 36, факс: 258 43 38, БИН: 950540000024, IBAN: KZ4094806KZT22030005 в Филиале №6 АО «Евразийский банк» г.Алматы, BIC/SWIFT: EURIKZKA		
САҚТАНУШЫ (аты-жөні, ЖСН, АБ, экономика секторының коды (ЭСК), резиденттік белгісі (РБ) / СТРАХОВАТЕЛЬ (Ф.И.О., ИНН, ПА, код сектора экономики (КСЭ), признак резидентства (ПР)		
САҚТАНДЫРЫЛҒАН САҚТАНУШЫ (аты-жөні, экономика секторының коды (ЭСК), резиденттік белгісі (РБ) / ЗАСТРАХОВАННЫЙ (Ф.И.О., код сектора экономики (КСЭ), признак резидентства (ПР)		
ПАЙДА АЛУШЫ САҚТАНУШЫ (аты-жөні, экономика секторының коды (ЭСК), резиденттік белгісі (РБ) / ВЫГОДОПРИОБРЕТАТЕЛЬ (Ф.И.О., код сектора экономики (КСЭ), признак резидентства (ПР)		
САҚТАНДЫРУ ОБЪЕКТІСІ / ОБЪЕКТ СТРАХОВАНИЯ		
САҚТАНДЫРУ ОБЪЕКТІСІНІҢ МЕКЕН ЖАЙЫ / МЕСТОНАХОЖДЕНИЕ ОБЪЕКТА СТРАХОВАНИЯ		
САҚТАНДЫРУ СОМАСЫ / СТРАХОВАЯ СУММА		САҚТАНДЫРУ СЫЙАҚЫСЫ / СТРАХОВАЯ ПРЕМИЯ
_____		_____
САҚТАНДЫРУ ЖАҒДАЙЛАРЫ / СТРАХОВОЙ СЛУЧАЙ		
БЕЗУСЛОВНАЯ ФРАНШИЗА / ШАРТСЫЗ ФРАНШИЗА		
САҚТАНДЫРУ СЫЙЛЫҚАҚЫСЫНЫҢ ВАЛЮТА ТҮРІ, ОНЫ ТӨЛЕУ ТӘРТІБІ МЕН МЕРЗІМДЕРІ / ВИД ВАЛЮТЫ, ПОРЯДОК И СРОКИ УПЛАТЫ СТРАХОВОЙ ПРЕМИИ		
САҚТАНДЫРУ АЙМАҒЫ / ТЕРРИТОРИЯ ДЕЙСТВИЯ СТРАХОВОГО ПОЛИСА		
САҚТАНДЫРУ ПОЛИСІНІҢ ҚОЛДАНУ МЕРЗІМІ / СРОК ДЕЙСТВИЯ СТРАХОВОГО ПОЛИСА		
с «__» _____ 20__ года по «__» _____ 20__ года. обе даты включительно		
ЕРЕКШЕ ЕРЕЖЕЛЕР / ОСОБЫЕ УСЛОВИЯ		
САҚТАНДЫРУ ТӨЛЕМІН ЖҮЗЕГЕ АСЫРУ ТӘРТІБІ МЕН МЕРЗІМІ / ПОРЯДОК И СРОКИ ОСУЩЕСТВЛЕНИЯ СТРАХОВОЙ ВЫПЛАТЫ		
ПОЛИСНІҢ ТАЛАПТАРЫНА ӨЗГЕРІСТЕР ЕНГІЗУ ЖАҒДАЙЛАРЫ МЕН ТӘРТІБІ / СЛУЧАИ И ПОРЯДОК ВНЕСЕНИЯ ИЗМЕНЕНИЙ В УСЛОВИЯ ПОЛИСА		
КОМИССИЯ/АГЕННИК ТӨЛЕМ		

Сақтандыру шарттарымен таныстым, өзім хабарлаған деректердің шынайылығын растаймын, полисті алдым.

С условиями страхования ознакомлен, достоверность сообщенных мною сведений подтверждаю, полис получил.

Сақтандыру Ережесімен таныстым және алдым / С Правилами страхования ознакомлен и копию получил

Сақтандырушы (немесе оның өкілі):

Страховщик (или его представитель):

АО «Страховая компания «Евразия»

Сақтанушы / Страхователь:

(аты-жөні, қолы / Ф.И.О. подпись)

(аты-жөні, қолы / Ф.И.О. подпись)

М.П.

Если подписант агент

Агент (ФИО/Наименование)

Адрес (если агент юридическое лицо)

ИНН/БИН

телефон

М.П.

Берілген күні / Дата выдачи: «__» _____ 20__ ж./г.



ТАРАПТАРДЫҢ ҚҰҚЫҚТАРЫ МЕН МІНДЕТТЕРІ	ПРАВА И ОБЯЗАННОСТИ СТОРОН
<p>1. Сақтанушы құқылы: 1) Сақтандырушыға оның қаржылық тұрақтылығы бойынша және төлем қабылеттігі бойынша ақпарат талап ету; 2) сақтандыру жағдайы басталғаннан бастап, егер ол Пайда алушы болса, осы Полис бойынша сақтандыру төлемін алу; 3) басқа да Қазақстан Республикасының заңдарындағы көзделген құқықтарға ие.</p> <p>2. Сақтанушы міндетті: 1) Полисті алмас бұрын Сақтандырушыға сақтандыру тәуекелін бағалау үшін оған белгілі барлық мәліметтерді хабарлау және осыған сәйкес Сақтандырушының сақтандыру Полисін беру туралы шешім қабылдау; 2) басқа сақтандыру компанияларымен жасалған және жасалынатын сақтандыру шарттары туралы хабарлау; 3) сақтандыру Полисінде белгілеген мөлшерде, тәртіппен және мерзімдерде сақтандыру сыйлықақыларын төлеуге; 4) сақтандыру талаптарын сақтандырылған тұлғаларға жеткізу; 5) сақтандыру шарты әрекет ету кезеңінде сақтандыру тәуекелінің жағдайы туралы хабарлап отыру; 6) сақтандыру Ережесінің шартын орындауға (сақтандырылғанның сақтандыру Ережесін бұзылуы, сақтанушының өзі сақтандыру Ережесін бұзды деп танылады); 7) сақтандыру жағдайының белгісі бар не сақтандыру жағдайына әкеп соғуы мүмкін кез-келген сақтандыру оқиғасы басталған сәттен бастап Сақтандырушыға осы Полисте көрсетілген мерзімде дереу хабарлау; 8) сақтандыру жағдайынан туатын залалдарды азайту үшін немесе тоқтату үшін шаралар қолдануға; 9) Сақтандырушыға сақтандыру оқиғасына байланысты барлық ақпаратты ұсыну келтірілген шығынның көлемі мен сипатын себептері мен жағдайын ұсыну; 10) сақтандыру жағдайының басталуына жауапты тұлғаға суброгация тәртібімен талап ету құқығының ауысуын қамтамасыз ету.</p> <p>3. Сақтандырушы құқылы: 1) сақтандыру шартын жасау кезінде сақтандырылатын мүлікті қарау, керек жағдайда оның нақты құнын анықтау үшін сараптама тағайындау; 2) Сақтанушы берген ақпараттар мен құжаттарды, Сақтанушының (Сақтандырылған тұлғаның) осы Полис талаптарын орындауын тексеру; 3) Сақтандыру жағдайының белгісі бар кез-келген сақтандыру оқиғасы басталған сәттен бастап өз бетінше оқиғаның себебін анықтау, құзыретті органдарға сұраныс жіберу; 4) сақтандыру оқиғасының фактісін анықтау үшін (шығу себебі) Сақтанушыдан немесе Сақтандырылған тұлғадан ақпарат талап ету; 5) зақымдалған мүлкін қарап тексеруге, қатысуға; 6) сақтандыру оқиғасы қасақана Сақтанушының немесе оның құзыретті адамының себебінен болса, сақтандыру төлемін төлеуден бас тарту немесе сақтандыру оқиғасы деп танымау туралы жазбаша Сақтанушыға (Сақтандырылған тұлғаға / Пайда алушыға) хабарлау; 7) кез-келген жағдайда сақтандыру қауіпін тексеру, тексеріс жүргізу; 8) сақтанушы немесе сақтандырылған сақтандыру шартын немесе сақтандыру Ережесін бұзған жағдайда сақтандыру шартын мерзімінен бұрын тоқтату; 9) тағы да басқа Қазақстан Республикасының заңдарымен көрсетілген әрекеттер жасау; 10) Сақтанушыдан тиісті тексеруді жүзеге асыру үшін қажетті құжаттарды және өзге де ақпаратты сұратуға.</p> <p>4. Сақтандырушы міндетті: 1) Сақтанушыны сақтандыру Ережелерімен таныстыруға; 2) сақтандыру жағдайы басталған кезде осы Полисінде белгіленген мөлшерде, тәртіппен және мерзімдерде сақтандыру төлемін жүргізуге; 3) Сақтанушыға (Сақтандырылған тұлғаға) сақтандыру жағдайы кезінде олардың залалдарын азайту үшін жұмсаған шығындарын өтеуге; 4) сақтандыру құпиясын қамтамасыз етуге міндетті; 5) Сақтанушыны (Сақтандырылған тұлғаны) 15 күннің ішінде сақтандыру жағдайына тиісті құжаттардың жетіспеуінің хабарландыруы; 6) келесі жағдайларда сақтандыру төлемін бас тарту: - Сақтанушының/ сақтандырылушының/ пайда алушының және (немесе) бенефициарлық меншік иесінің Қазақстан Республикасы Қаржы мониторингі агенттігінің ресми сайтында жарияланған терроризм мен экстремизмді қаржыландыруға байланысты, сондай-ақ жаппай қырып-жою қаруын таратуды қаржыландыруға байланысты ұйымдар мен тұлғалардың тізбесінде (бұдан әрі мәтін бойынша -ЖҚҚТҚ тізбесі) болуы; - сақтанушымен/ сақтандырылушымен тиісті тексеруді жүргізу үшін сақтандырушының сұрау салуы бойынша құжаттарды, сондай-ақ қосымша ақпаратты ұсынбау; - ақшамен және (немесе) басқа мүлікпен операция КДЖ және ТҚ мақсатымен жасалғаны болжауға негіздеме бар болған жағдайда.</p> <p>5. Сақтандыру оқиғасы болған кезде, Сақтанушы (Пайда алушы) не оның өкілі сақтандырылған мүлікті сақтау және құтқару үшін, кінәлі тарапқа суброгация құқығын қамтамасыз ету үшін шараларды жасауы тиіс, онымен қоса Сақтанушы сақтандыру оқиғасы болған кезде дереу, бірақ 3 (Үш) күннен кешіктірмей, мейрам және демалыс күндерін қоспағанда, жазбаша түрде Сақтандырушыға (немесе оның өкілетті тұлғасына) хабарлауы тиіс және тағы да басқа мүлікті сақтандыру Ережелерінде көрсетілген әрекеттер жасау.</p> <p>6. Сақтандыру оқиғасының болуы және одан келген шығынды дәлелдеу Сақтанушының мойнында.</p> <p>7. Сақтанушы, осы Сақтандыру шартына қол қоя отырып, тәуекелдердің алдын алуда және сақтандыру жағдайының басталуына жол бермеуде сақтандыру мүддесінің бар екендігін растайды.</p> <p>8. Осы талаптарда реттелмеген басқа да сұрақтан бойынша тараптар «Евразия» Сақтандыру компаниясы» АҚ Қойма иесінің азаматтық-құқықтық жауапкершілігін сақтандыру ережелерін басшылыққа алады.</p>	<p>1. Страхователь вправе: 1) требовать от Страховщика информацию о его платежеспособности и финансовой устойчивости; 2) получить страховую выплату при наступлении страхового случая, если он является Выгодоприобретателем по настоящему Полису; 3) на иные права, предусмотренные законодательством Республики Казахстан.</p> <p>2. Страхователь обязан: 1) перед получением настоящего Полиса сообщить Страховщику обо всех известных ему обстоятельствах, имеющих существенное значение для оценки страхового риска и принятия Страховщиком решения о выдаче настоящего Полиса; 2) письменно сообщать Страховщику обо всех заключенных и заключаемых Договорах страхования с другими страховыми компаниями; 3) уплачивать страховые премии в размере, порядке и сроки, установленные настоящим Полисом; 4) довести до сведения Застрахованных условия страхования; 5) информировать Страховщика о состоянии страхового риска; 6) выполнять условия Правил страхования (нарушение Правил страхования застрахованным расценивается как нарушение Правил страхования самим страхователем); 7) уведомлять Страховщика о наступлении события, имеющего признаки страхового случая и/или последствием которого может быть наступление страхового случая, в сроки, установленные настоящим Полисом; 8) предпринимать меры по предотвращению или уменьшению убытков от страхового случая; 9) предоставлять Страховщику всю имеющуюся у него информацию, позволяющую судить о причинах, ходе и последствиях страхового случая, характере и размерах причиненного убытка; 10) обеспечить переход к Страховщику права к лицу, ответственному за наступление страхового случая.</p> <p>3. Страховщик вправе: 1) перед выдачей настоящего Полиса произвести осмотр страхуемого имущества, а при необходимости – назначить экспертизу в целях установления его действительной стоимости; 2) проверять предоставленную Страхователем (Застрахованным) информацию и документы, а также выполнение Страхователем (Застрахованным) требований и условий настоящего Полиса; 3) самостоятельно выяснять причины и обстоятельства события, имеющего признаки страхового случая, в том числе направлять запросы в компетентные органы; 4) требовать от Страхователя или Застрахованного информацию, необходимую для установления факта страхового случая, обстоятельств его возникновения; 5) участвовать в осмотре поврежденного имущества; 6) отказать в страховой выплате в случае умысла Страхователя или его уполномоченного лица, а также при невыполнении Страхователем условий настоящего Полиса, либо непризнания события страховым случаем, письменно уведомив об этом Страхователя (Застрахованного / Выгодоприобретателя); 7) в любое время проинспектировать и проверить наличие обстоятельств, способствующих возникновению риска; 8) на досрочное прекращение договора страхования в случае нарушения страхователем или застрахованным договора страхования или Правил страхования; 9) совершать иные действия, предусмотренные законодательством Республики Казахстан; 10) запрашивать у Страхователя документы и иную информацию, необходимые для осуществления надлежащей проверки.</p> <p>4. Страховщик обязан: 1) ознакомить Страхователя с Правилами страхования; 2) при наступлении страхового случая произвести страховую выплату в размере, порядке и сроки, установленные в настоящем Полисе; 3) возместить Страхователю (Застрахованному) расходы, произведенные им для уменьшения убытков при страховом случае; 4) обеспечить тайну страхования; 5) уведомить Страхователя/Застрахованного о недостающих документах, касающихся страхового случая в срок не позднее 15 календарных дней, с даты получения документов. 6) отказать в страховой выплате в следующих случаях: - нахождения Страхователя/ Застрахованного/ Выгодоприобретателя и (или) бенефициарного собственника в перечне организаций и лиц, связанных с финансированием терроризма и экстремизма, опубликованного на официальном сайте Агентства Республики Казахстан по финансовому мониторингу, а также связанных с финансированием распространения оружия массового уничтожения (далее по тексту – Перечень ФРОМУ); - не предоставление страхователем/застрахованным документов, а также дополнительной информации по запросу страховщика для проведения надлежащей проверки; - когда есть основания полагать, что операция с деньгами и (или) иным имуществом совершается с целью ОД и ФТ.</p> <p>5. При наступлении страхового случая Страхователь (Выгодоприобретатель) или его представитель обязаны принять меры к спасению и сохранению поврежденного имущества, а также обеспечению права суброгации к виновной стороне, а также незамедлительно, но не позднее 3 (Трех) дней, не считая выходных и праздничных дней, уведомить о его наступлении Страховщика или его представителя и совершить иные действия, указанные в Правилах страхования имущества от ущерба.</p> <p>6. Доказывание наступления страхового случая, а также причиненных им убытков лежит на Страхователе.</p> <p>7. Страхователь, подписывая настоящий Договор страхования подтверждает, что имеет страховой интерес в предотвращении рисков и недопущении наступления страхового случая.</p> <p>8. По всем иным вопросам, неурегулированным настоящим Условиями, Стороны будут руководствоваться Правилами страхования гражданско-правовой ответственности владельца склада АО «Страховая компания «Евразия».</p>



Евразия
СТРАХОВАЯ КОМПАНИЯ

**ҚОЙМА ИЕСІНІҢ АЗАМАТТЫҚ-ҚҰҚЫҚТЫҚ
ЖАУАПКЕРШІЛІГІН ЕРІКТІ САҚТАНДЫРУ ЕРЕЖЕЛЕРІ**